

金

石

萃

編

金石萃編卷八

賜進士出身 誥授光祿大夫刑部右侍郎加七級王相讓

漢四

敦煌長史武斑碑

碑連額高一丈廣四尺五寸二十行行約四十字通
題故敦煌長史武君之碑九字隸書今在嘉祥縣紫
雲山

建和元年大歲在丁亥二月辛巳朔廿三

日癸卯長史同□□□□□□□□□□□□□□□□

長史武君諱斑字宣 張昔殷王武丁克伐

鬼方元功章 炳勳臧王府 官族分析因

為氏焉武氏蓋其後也商周弼藜歷世擴

遠不履其美漢興以來討位相踵口朝忠

臣尹鈞門顏閔之懋貞長敷荐夏之文學

慈惠寬口孝友元妙荀羅術執貫洞聖

博兼口口眈綜典籍口思口純求福不回

清聲美行屬形遠近州郡貪其高賢口少

請以口口歲舉口翼紫宮口口詔除光顯

王室有口於國帝庸嘉之掌司古口傾校

秘鄭研口幽微追昔對向辨賈之述比口

萬矣時戎口口匡正一口口朝廷惟憂口

□有司□□舉君班到官之日□痛吏士

嗟庸之怒薄伐□□□□□□□□並

百姓賴之邦域既寧久勞于外當還本朝

以敘左右以永嘉元年月日遭疾不

□哀□於是金鄉長河間高陽史恢等追

惟昔日同歲郎署咸□為自古在昔先聖

與仁□□興替□□人存生榮死哀是為

萬年伊君遺德□孔之珍故□石銘碑以

於旌明德焉其辭曰

於惟武君允德允恭受天休命積祉所鍾

其在殛提岐嶷發蹤謙□守約唯謂曼送

孝溪凱風志繁羔羊樂曼□□恬此東犬

華華臨川關見□唐庠仰其首微妙應通

□然清選□□□□□升□為帝股肱

扶助大和萬民適象顯宗□□史官書功

昊天上帝降茲鞠凶晦忽殂逝□□宮

不享耆考大命□□百遼惟□后成傷

學夫在師士女悽愴挂表金石命問不忘

垂□後昆億載敷誦

尚書丞沛國蕭曹芝□宣

成武令中山安 嘉善 科□□

豐令下邳良成徐崇 □□

故陳留府丞魯 國魯 □□□□

防東長 齊 國臨菑□

紀伯允書此碑

□嚴祺字伯魯

右班碑者蓋其字畫殘滅不復成文其氏族州里官
闕卒葬皆不可見其僅見者曰君諱班耳其首書云
建□元年太歲在丁亥而建下一字不可識以漢書
考之後漢自光武至獻帝以建名元者七謂建武建

初建光建康建和建寧建安也以歷推之歲在丁亥
迺章帝章和元年後六十一年桓帝卽位之明年改
本初二年爲建和元年歲又在丁亥則此碑所缺迺
建和元年也碑文缺滅者十八九惟亡者多而存者
少尤爲可惜也故錄之

集古錄

右武班碑集古錄云云今以余家所藏本考之文字
雖漫滅然猶歷歷可辨其額題云漢故敦煌長史武
君之碑知其姓武而官爲敦煌長史也碑云君諱斑
字宣張昔殷王武丁克伐鬼方元功章炳勳藏王府
官表分析因以爲氏知其名字與氏族所出也又云

永嘉元年卒知其卒之年月也

金石錄

右故敦煌長史武君之碑隸額在濟州任城武君名
璠字宣張從事梁之猶子吳郡府丞開明之元子執
金吾丞榮之兄也以冲帝永嘉元年卒碑者後三年
同舍郎史恢曹芝六人所立字小石損官壽殘失威
宗建和之元年開明爲其兄立闕刻其傍云宣張仕
濟陰年二十五曹府君察考廉除敦煌長史被病天
歿苗秀不遂闕以二月癸卯作碑以三月癸丑立相
去浹辰之間爾碑云金鄉長河間史恢等追惟昔日
同歲郎署歲字雖不瞭然考柳敏碑云縣長同歲隸

爲趙臺念素帛之義爲君立碑則知此爲同歲無疑

蓋謂同年爲寮也漢碑多門生故吏所立至於同舍

爲之者唯武斑及柳敏兩碑夫一死一生而寮友之

好不變如此彼有並游誣其懷金身後不能清酒者

不可同日語也碑以假爲冠以壙爲曠以旂爲游以

武斑碑銘詞與後街皆提行書之街名之末有云紀

伯允書此碑此又漢碑具書人姓名之一事也一小

歐陽集古錄目云嚴祺字伯魯隸書今不見此文久

矣据洪氏隸釋載是碑末云紀伯允書此碑下乃云

嚴祺字伯曾曾魯二字未知孰是然驗其文勢則書

者紀伯允而非嚴祺也紀伯允三字上有闕文或是
口紀伯允則紀字是其名伯允是其字未可知也今
不能臆定矣 武君爲吳郡府丞開明之長子仕爲
敦煌長史小歐陽以武君爲敦煌人亦誤也鞠訓此
作鞠凶鞠字上半泐不可辨或似有竹頭未可知也
按說文惟蹋鞠字从革或从卒其鞠窮字則專从卒
蓋窮理罪人義取卒所以驚人卒字从大从羊一曰
大聲是也洪氏釋作鞠恐未是又微妙妙字其半泐
不可辨今諦審之亦似目旁蓋妙从女者非也茲未
敢遽定仍依洪本作女旁耳 碑陰武氏碑三字在

穿之下字極大是楷書蓋後人所刻因其正面極泐而刻此三字以識之也

兩漢金石記

黃司馬易得此碑曾校正洪氏數處重摹付梓案洪氏貪其高賢下缺二字今碑作力少疑力是幼字謂貪慕其高賢尚幼少也漢順帝陽嘉元年初令郡國舉孝廉限年四十以上其有茂才異行若顏淵子奇不拘年齒據武氏石闕銘云宣張案班字宣張仕濟陰年廿五曹府君察舉孝廉云云此為高賢幼少之證晚忽祖逝下缺四字今碑第四字是宮字正與韻叶不享口耆句今碑耆上作者是耆字士女悽愴下缺今

碑有旌字其下金門今碑作金石謂旌其行於金石
故下云令問不忘題名防東長一行下有嚴祺字伯
魯五字隔越甚遠凡此皆可補黃君所未備也

志
山左
金石

碑文云久伐鬼方據趙氏金石錄作克伐鬼方又官
族分析金石錄作官族析分

朱文藻校訂
隸釋存疑

按碑額稱武君之碑甚明白可辨集古錄題曰漢
斑碑而不著其姓則歐陽所藏之本不獨字畫模糊
并其額亦未見也碑云追惟昔日同歲郎署同
歲卽後世之同年漢刻中惟柳敏碑亦同歲所立

考敏以本初元年爲郡太守察舉在斑後而其敦
同歲之誼則先後同也順帝末年匈奴背叛使中
郎將馬寔擊破之碑所云哮虎薄伐邦域旣寧者
殆指此事商周假貌卽遐邈說文無遐字華山碑
思登假之道楊統碑假邇莫不隕涕繁陽令楊君
碑假邇僉服皆遐字也列子黃帝篇而帝登假張
湛注假當作遐漢書禮樂志假狄合處顏師古注
假卽遐字其字从彳集韻云邈通作藐楊統碑勲
迹藐矣卽邈字歷世墳遠墳卽曠字孟子獸之走
曠也漢書李夫人傳託沈陰以曠久兮顏師古注

巖與曠同游夏之游作旂見於石經論語而周官
大常十二旂及攷工記九旂七旂六旂四旂凡旌
旗之旒皆省水作旂旂从𠂔𠂔與偃同故名偃者
戔字子游至孔彪碑浮旂塵埃之外武榮碑久旂
太學斥彰長田君碑乃始旂學則又借爲浮游遊
遊字矣領校秘鄭鄭字與奧通禹貢四隩旣宅史
記夏本紀作四奧旣居爾雅釋宮西南隅謂之奧
陸德明釋文云奧或作隩其見於石刻者譙敏碑
深明與隩柳敏碑隩處臧兮皆以隩爲奧而此碑
則移下於右也哮虎之哮卽虢字大雅闕如虢虎

風俗通引作哮虎費鳳別碑魏大饗碑皆作虤而此碑與武榮碑則皆作哮也曉忽之曉卽奄字曉日無光也借爲奄字平與令薛君碑正與此同百遼之遼卽寮字漢碑以遼爲寮者甚多如高彪碑遼黨威勸楊統碑百遼歎傷謁者景君墓表百遼失氣夏堪碑官遼臨呬楊孟文頌百遼咸從李翊碑顯名遼疇皆是特字體有遼遼遼之不同也碑又云口翼紫官者卽紫微官春秋合誠圖云紫官太帝室也下文云領校秘鄭則是司掌秘書之職秘書監官桓帝延熹二年始置此時未有專員殆

卽郎舍人兼領之其地清要密近紫微似謂輔翼
紫宮也銘辭云庶仰箕首微妙元通箕與箕同李
翊碑其先出自箕子之苗字亦从艸此以箕山首
陽况其高尚故下文卽云口然清邈也箕首並稱
他文所罕惟見此碑

武氏石闕銘

銘高二尺二寸廣一尺八行行
十一字今在嘉祥縣紫雲山

建和元年大歲在丁亥三月庚戌朔四日
癸丑孝子武始公弟綏宗景興開明使石
工孟孚李弟卯造此闕直錢十五萬孫宗

伯師子直四萬開明子宣張仕濟陰年廿
五曹府君察舉孝廉除敦煌長史被病歿
沒苗豈不透嗚呼哀哉士女慟傷

武氏有數墓在任城開明者仕爲吳郡府丞綬宗名
梁仕爲郡從事宜張名斑皆自有碑

金石錄

案二石闕方徑二尺高一丈五尺許銘文八行趙氏
有專條洪氏則附於武斑碑下斑碑未詳察舉之歲
此言其年廿五則舉孝廉後除敦煌長史薄伐匈奴
邦域旣寧久勞於外當有數年之事卒時約在三十

內外矣

山左金石志

右漢武氏石闕黃小松司馬搜得之按後漢書桓帝
紀建和元年正月辛亥朔武斑碑二月辛巳朔此闕
三月庚戌朔蓋承二月小月也綏宗名梁官從事有
碑開明不詳何名官吳郡府丞見其子榮碑宣張名
斑官敦煌長史有碑開明之元子榮之兄也宣張卒
於永嘉元年其碑先闕十日立與闕同時起工故闕
文牽連及之闕云曹府君察舉孝廉卽碑州郡貪其
高賢闕云除敦煌長史卽碑到官之日爲吏士哮虎
之怒薄伐云云闕云士女瘡傷碑亦云士女懷愴也
闕文載金石錄芙蓉歿誤作云歿隸釋謂開明爲其兄

立闕今詳闕文乃開明兄弟四人爲父立者若爲兄
立則始公何以稱孝子乎

桂馥
跋

按武氏之有碑者梁也班也榮也其見於此闕者
則有始公綏宗景興開明其見於梁碑者有仲章
李章季立子僑東漢武氏闕闕之盛略可概見而
范書中無一語齒及良可怪也銘內有云孫宗作
師子直四萬師子卽獅子此孫宗不知是石工姓
名抑是孝子始公之子援武梁碑之例子僑稱孝
孫此孫宗無孝字似非武氏之孫雙闕直十五萬
而師子直至四萬費視雙闕得四之一其刻鏤必

工疑其上亦有題字而不可見矣

司隸校尉楊孟文頌

石高九尺九寸廣七尺七寸二十二行行三十三
一字不等額題故司隸校尉楊君頌十字隸書

今在襄城縣

惟以靈定位川澤取躬澤有所注川有所

通余台之川具澤南隆入方所建益域為

充高祖受命興於漢中道由子

于出散人秦建定帝位以漢詆罵後以子

于遠路此難更陵園台瓊通堂先凡此四

道坑高尤艱至於永平其有四事詔書開

余鑿通石門中遭元二西夷百殘橋梁斷
絕子半復漸亡則縣峻屈曲汴顛下則入
真廬寫輪瀾平阿涼泥常蔭鮮晏木石相
距利唐確厝臨危槍場履尾心震齒與輕
騎邁身弗前惠中帶狗蛇蛭毒蝮未秋截
霜稼苗友殘終幸不登匱饑之患卑者楚
惠尊者弗安愁苦之難薦可具言於是明
知故司隸杖尉健為武陽楊君麻字孟文
深執忠伉數上奏請有司議駁君遂執爭
百通咸從帝用是聽廢子由斯得其度經

功飭爾要啟而晏平清涼調和烝二艾寧
至建和二率仲冬上旬漢中大閉捷為武
陽王升字稚紀涉歷山道推序本原嘉君
明知美其仁賢勒石頌德以明厥勲其辭
曰 君德明二炳煥彌光剋過拾遺厲清
八荒奉黜承拘綏億漸彊春宣聖恩秋貶
若霜無偏蕩二貞雖以方寧靜烝庶政與
乾通輔主匡君循禮育常咸曉地理知世
紀綱言必忠義匪石靡章厥廟諱大節謹而
益明燦往卓今謀合朝情詳艱即安有勲

有榮魚鑿龍門君其繼絃上順什極下咎
以皇自南自北四海收通君子安樂庶土
悅靡商人咸懍震夫永同春秋記異今而
紀功垂深億載世二嘆誦

序曰明武仁和豫譖難易原度天道安危
所歸勤二竭誠榮名休麗

五官掾南鄭趙邵字季南屬襄中量漢
強字產伯書佐西戍王戒字文寶主

王府君閔台道危難久置六部道摛特遣
行也事西戍韓服字顯公都督掾南鄭魏

整字伯王後造趙誦字公梁案察中曹卓
行造位石積萬世之基或解高格下就平
易行者欣然焉 伯正即曰徙署行丞
事守安陽長

右漢司隸校尉楊厥碑用字簡省復多舛繆惟以《
為坤以余為斜漢人皆爾獨詆字未詳

集古錄

余嘗讀後漢書鄧騭傳有云時遭元二之災人士荒
饑章懷太子注以謂元二即元元也古書字當再讀
者即於上字下為小二字後人不曉遂讀為元二或
同之陽九或附之百六良由不悟致斯乖舛今岐州

石鼓銘凡重言者皆爲二字明驗也其說甚辨學者
信之今此碑有日中遭元二西戎虐殘橋梁斷絕若
讀爲元元則爲不成文理疑當時自有此語漢書注
未必然也

錄金石

右故司隸校尉楗爲楊君頌隸額在興元碑云司隸
校尉楊君厥字孟文水經及歐趙皆謂之楊厥碑蜀
中晚出楊淮碑云司隸校尉楊君厥諱淮字伯邳大
司隸孟文之元孫也始知兩碑皆以厥爲語助此乃
后政頌其勲德故尊而字之不稱其名順帝紀延光
四年詔益州刺史罷子午道通褒斜路益從其所請

也子午者長安正南山名褒斜者漢中谷名高祖開石門史策不書亦見郿關碑平帝時玉莽以皇后有子孫瑞遂通子午永平之詔史亦闕文安帝永初元年先零叛斷隴道寇三輔入益州殺漢中守乃橋梁斷絕時也自明帝永平四年通石門至永初幾五十年自永初褒斜斷絕至延光四年凡十五年水經云石門穿山通道六丈有餘卽秦人取蜀之石牛道楊君因而廣之蜀都賦岨以石門是也門在漢中之西褒中之北褒水南歷褒口北出斜谷趙氏云此碑有曰中遭元二若讀爲元元則爲不成文理予按漢刻

如北海相景君及李翊夫人碑之類凡重文皆以小
二字贅其下此碑有烝烝明明蕩蕩世世勤勤亦不
再出上一字然非若元二遂書爲大二字也又孔耽
碑云遭元二輒軻人民相食若作元元則下文不應
又言人民漢注之非明矣王充論衡云今上嗣位元
二之間嘉德布流三年零陵生芝草五本四年甘露
降五縣五年芝復生六年黃龍見大小凡八章帝紀
所書建初三年以后龍芝甘露之瑞皆同則論衡所
云元二者蓋謂卽位之元年二年也鄧君傳云永初
元年夏涼部畔羌搖蕩西州詔隲將羽林軍五校士

擊之冬徵隲班師迎拜為大將軍帝紀班師在二年十一月傳有脫字

也時遭元二之災人士荒飢盜賊羣起四夷侵畔隲

崇節儉罷力役進賢士故天下復安四年以母病求

還待養則此傳所云元二者亦謂元年二年也安帝

紀書兩年之間萬民飢流羌貊叛戾又與傳同此碑

所云西戎虐殘橋梁斷絕正是鄧隲出師時則史傳

碑碣皆與論衡合建初者章帝之始年永初者安帝

之始年乃知東漢之文所謂元二者如此碑以余台為斜谷充

為街詆為抵並為流陰為陰遠為寮落狩為蹇獸街

為禦縱為蹤廣為喜積為積西成為西城高即所字

蓋即塗字斷即斷字勝即磬字遠即滯字導即導字

惠即惡字墮即墮字厥即板字釋即釋字繼即繼字

古

碑

楊厥碑高祖受命平關命字垂筆甚長所侵兩字許
又空兩字方書其下一句文十七行其次序曰別行
後一行低二字書趙邵等三人姓名又書王府君分
遣官屬事凡三行末行低七字書魏伯玉徙官每行
三十字或有疎密不齊者 宣和殿碑錄以碑爲最
漢灑書考其碑云五官掾南鄭趙邵屬喪中灑漢灑
書佐西成王戒蓋三人主其事書佐則王戒之職非
灑漢灑書也集古金石二錄與鄭樵金石略俱作楊

厥開石門頌

碑

水經注汚水上篇云褒水又東南歷小石門門穿山
通道六丈有餘刻石言漢明帝永平中司隸校尉犍
爲楊厥之所開逮桓帝建和二年漢中太守同郡王
升嘉厥開鑿之功琢石頌德以爲石牛道一清按此
碑載張鳴鳳西遷注彼所親睹者憲更幣符是張縠
敝獸安危所歸是安危所繫可補隸釋之遺寰宇記
云洵陽縣心山漢宣帝時北平楊厥爲漢中守經此
山有棲遁意不之郡學道咸瑞見金羊因易姓羊氏
蓋傳聞之膠爾又晉書云山簡與譙郡嵇紹沛郡劉
謨宏農楊淮齊名卽蜀中晚出碑其人也

趙一清水
經注釋

此頌靡崖刻於褒斜谷中洪氏隸釋所引楊淮碑今亦拓得之與此刻同在褒斜谷中洪謂此在興元彼在蜀蓋亦未之深考也頌爲建和二年漢中太守王升所立其主鑄石之役者量漢彊王戎二人頌後低格書之此已開碑後系換書姓名之式矣量王皆承五官掾趙邵之屬故於頌後復紀王君造作石積事王君不特爲楊之鄉人而政績復能繼之一頌而二善備焉矣婁氏字原云斜漢隸皆作余健爲皆作健是蓋不獨此一碑爲然或以說文無健字疑郡名當从木是則未知二字偏傍孰爲沿訛而木字篆勢與

牛之上半相似所當存以資考異也又婁氏摘附字體謂漢隸命字垂筆有長過一二字者蓋指此頌然此處特因石理剝裂不可接書而垂下耳非可以律隸法也以漢詆焉洪謂詆是抵字愚按此詆字下無點與詆不同當是氏字猶費汎碑以妣爲氏也碑云王府君造作石積此積字婁氏不錄顧南原隸辨引廣韻云積艸名類篇云一曰艸積詳碑文義蓋易艸積爲石也隸釋云以積爲積非是愚按此頌塗作塗彊作彊炳作炳多有加艸之文則此積字或卽是積字加艸之體爾洪氏之言未可遽非也隸續云

碑文十七行今以石本核之全文凡廿二行此云文
十七行者蓋序曰以後別計之也又按隸釋既知厥
爲語助詞而隸續仍曰楊厥碑蓋亦沿諸家之誤而
亦因以見洪氏隸釋隸續之書非成於一時其中尙
不能無指拄處也又驗石本末一行書魏伯玉從官
乃於前文之下空七格書之耳非此行低七格也

金石記

文云高祖受命興於漢中建定帝位以漢詆焉詆卽
氏字謂高帝興於漢中故定有天下之號曰漢猶陶
唐氏有虞氏之例也洪文惠讀詆爲抵失其義矣槍

陽猶言槍唐古文唐爲陽碑又變爲陽其義一也股

躬疑卽股肱字核鬲義與閔隔同

潛研堂金石文跋尾

碑云楊君厥字孟文故水經注稱爲楊厥碑攷之華

陽國志則楊君名煥字孟文也洪适云厥實語助耳

非名文內有云高祖受命興於漢中道由子午出散

入秦以子午塗路並難更隨圍谷復通堂光說與郝

閣頌嘉念高帝之開石門元功不朽云云合出散入

秦者散關也碑爲漢中太守捷爲武陽王升立以捷

爲捷用古字說文無捷字

關中金石記

按是刻書體勁挺有姿致與開通褒斜道磨崖隸

字踈密不齊者各具深趣推爲東漢人傑作然石
刻皆在褒斜谷中推拓頗險臨池家或不盡得故
近人學之者少碑中命字升字誦字垂筆甚長而
命字幾過二格與李孟初碑年字相似皆漢隸所
僅見者文云惡虫幣狩虵蛭毒蠃隸釋云碑以幣
狩爲幣獸昶謂敝獸惡虫對舉當是借幣爲敝敝
愍通用與敝壞之義有別後漢書董卓傳敝腸狗
愍注云續漢書敝作愍是愍與敝同方言愍惡也
郭璞注愍忿急性也列子力命篇墨屎單至嘽啞
愍愍四人相與游于世胥如志也窮年不相知情

自以智之深也廣雅亦云慙惡也高郵王君念孫
疏證云釋名鷺雉山雉也鷺慙也性急慙不可生
服必自殺也潘岳射雉賦山鷺悍害南山經基山
有鳥焉其狀如雞而三首六目六足三翼其名曰
鷺慙郭璞注云鷺慙急性虜韻鷺鷺鷺也鷺鷺亦
鳥之惡者是凡言敝者皆惡之義也周官司弓矢
句者謂之弊弓鄭注云弊猶惡也徐邈音扶滅反
弊與慙聲義亦同故大司寇以邦成弊之故書弊
爲慙矣廣雅又云瘞惡也疏證引玉篇瘞惡也瘞
惡性也方言注云瘞恠惡腹也恠與瘞同恠又音

大結反說文𧇗蛇惡毒長也爾雅𧇗𧇗注云𧇗屬
大眼最有毒今淮南人呼𧇗子釋文𧇗大結反字
亦作𧇗楊孟文頌云蛇𧇗毒𧇗毒𧇗謂毒長也𧇗
與𧇗𧇗與惡聲義亦同相案王氏之言甚核蓋二
語極言道中陰險之狀故多用惡𧇗字而借𧇗爲
𧇗借𧇗爲𧇗耳

孔廟置守廟百石卒史碑

碑高七尺八寸五分廣三尺七寸八行行
四十字後宋人題字二行今在曲阜縣孔廟

司廷臣雄司空臣夫稽首言魯前相璜書
言詔書崇聖道勉口我孔子作春秋制孝

經 則述 五經演易繫辭經緯天地幽讚神
明故特立廟褒成侯四時來祠事已即去
廟有禮器無常人掌領請置百石 卒史一
人典至守廟春秋饗禮財出王家錢給大
酒直須報謹問大常祠曹掾馮牟史郭廉
薛對故事 辟禮未行祠先聖師侍祠者
孔子子孫大宰大祝令各一人皆備屬大
常丞臨祠河南尹給牛羊豕 雞 口口各一
大司農給米祠臣愚以為如璞言孔子大
聖則象乾以爲漢制位先世所尊祠用衆

牲長吏備爵今口加寵子孫敬恭明祀傳

于罔極可許臣請魯相為孔子廟置百石

率史一人掌領禮器出王家錢給大酒直

他如故事臣雖臣忝愚戇誠惶誠恐頓首

頓首死罪死罪臣稽首以聞制曰可

元嘉三年三月廿七日壬寅奏雒陽官

司徒公河南原武吳雄字季高

司空公蜀郡成都趙武字意伯

元嘉三年三月丙子朔廿七日壬寅司徒

雖司空武下曹相承書從事下當用者選

其年卅以上經通一藝雜試通利能奉廟諱
先聖之禮為宗所歸者如詔書書到言
元興元年六月甲辰朔十八日辛酉魯相
平行長史事下守長擅叩頭死罪敢言之
司徒司空府王寅詔書為孔子廟置百石
卒史一人掌三禮器選年卅以上經通一
藝雜試能奉廟諱先聖之禮為宗所歸者平
叩頭叩頭死罪死罪謹案文書守文學掾
魯孔蘇肺孔憲石曹史孔覽等雜試蘇將
春秋嚴氏經通高第事親至孝能奉先聖

火禮為宗所疑除蘇補名狀如牒平惶恐
叩頭死罪死罪上 司空府

讚曰魏魏大聖赫赫彌章祖上瑛字少卿
平原高唐人令鮑曼字文公上黨屯留人
政毅稽古若重規矩上君察舉守宅除吏
孔子十九世孫麟廉請置百石卒史一人
鮑君這位百石吏舍功垂天窮於是始口
後漢鍾太尉書

宋嘉祐七年張稚圭按圖題記

按漢書元嘉元年吳雄為司徒二年趙戒為司空即

此云臣雄臣戒是也魯相瑛者據碑言姓乙字仲卿
漢碑在者多磨滅此幸完可讀錄之以見漢制三公
奏事如此與羣臣上尙書者小異也又見漢祠孔子
其禮如此

集古錄

按華陽國志後漢書注皆云趙戒字志伯而此碑乃
作意伯疑其避桓帝諱故改焉

金石錄

右孔廟置守廟百石卒史孔龢碑無額在兗州仙源
縣威宗永興元年立嘉祐中郡守張稚圭按圖經云
鍾繇書碑載孔子十九世孫麟廉請置百石卒史一
人掌廟中禮器魯相乙瑛書言之於朝司徒吳雄司

空趙戒奏於上詔魯相選年四十以上通一經者爲之時瑛已滿秩去後相平復以其事上于朝予家所藏石刻可以見漢代文書之式者有史晨祠孔廟碑樊毅復華租碑太常耽無極山碑與此而四此一碑之中凡有三式三公奏于天子一也朝廷下郡國一也郡國上朝廷三也按孔僖傳云永元四年褒成侯損徙封褒亭侯子孫相傳迄于漢末褒褒亭之封者二人此碑與史晨碑皆在永元之後仍稱褒成又安帝紀延光三年賜褒成侯帛韓勅碑陰有褒成侯建壽卽損也疑損未嘗徙封傳之誤爾鍾繇以魏太和

四年卒去永興蓋七十八年圖經所云非也

象卽豕字共卽

隸釋

碑兩元嘉三年及永興元年皆平闕司徒府司空府及讚曰亦平闕第八行制曰可高出一字司徒公司空公題名在制可雒陽宮兩行之下與碑之下一字齊貼碑者不曉古式多有翦去制字者亦有顛倒二

相題名者

隸釋

攷之范史桓帝紀元嘉惟有二年碑云元嘉三年三月者蓋是年五月始改永興至十月而雄飛亦罷免

矣

金雅琳碑

此碑後刻云後漢鍾太尉書宋嘉祐七年張稚圭按
圖題記按此碑永興元年造元常獻帝初始為黃門
侍郎距永興且四十年此非元常書明甚未知張稚
圭所按何圖趙戒字志伯今云意伯戒袁宏又作誠

石星
篆

勉字下隱起是學字蓋崇聖道勉學藝詞理俱暢而
人往往缺之盛時泰蒼
洞軒帖跋

百石卒史者秩百石之卒史也漢書儒林傳郡國置
五經百石卒史倪寬傳補廷尉文學卒史臣瓚曰漢
注卒史秩百石是也若三輔卒史則二百石黃霸傳

補左馮翊二百石卒史因其秩有不同故舉其石之多寡以別之水經注載此爲後人不通者改作百夫吏卒

金石文

字紀

按漢書儒林傳郡國置五經百石卒史臣瓚以爲卒史秩百石者劉昭注續漢書百官志引應劭漢官儀河南尹百石卒史二百五十人黃霸傳補左馮翊二百石卒史今本杜佑通典乃譌百石卒史爲百戶吏

卒

隸書
亭集

音名不書姓者以位列三公皆知爲吳雄趙戒也唐宋告身章奏署名凡丞相不著姓者類此按范書百

官志東西椽四百石以下秩比命士爲百石屬其後
辟除通爲百石但司徒公下凡祭祀掌省牲視濯則
有令史屬三十六人司空公下凡祭祀掌掃除樂器
則有令史屬四十二人而無卒史之名卒史見此碑

金石
後錄

集古作魯相置孔子廟卒史碑隸釋作孔廟置百石
卒史孔龢碑金石略天下碑錄皆作司徒吳雄等奏
孔子廟置卒史碑

金石
錄補

孔麟孔子十九世孫與泰山太守孔宙博陵太守孔
彪皆弟兄行也令鮑豐曲阜令也乙異姓也漢有南

郡太守乙世前燕有護軍乙逸明乙瑄乙山也金石遺文

每見近日文移奏牘一事必再三繁複至於連篇累

紙而不休竊惟何不省簡乃浪費筆墨如此今觀此

碑乃知漢時其體便爾虛舟題跋

按百石卒史通典謚爲百戶吏卒三國志謚與通典

同水經注謚爲百夫吏卒山東通志闕里志謚爲百

戶卒史皆莫之正又康熙甲子

聖祖仁皇帝幸闕里謁廟畢由奎文閣至同文門觀門右

漢碑孔尙任奏曰此漢元嘉三年魯相乙瑛置卒史

碑今謂之百戶碑

上問何為百戶碑尙任對曰歷代優崇之典廟廷設官四

員典籍司樂管句百戶謂之禮樂兵農四司觀此知

魯人亦譌以為百戶也豈獨書籍傳寫之謬哉金石存

按闕里舊志載此碑文訛者不可枚舉如司徒臣雄

作司徒臣維後兩雄字皆作維司空臣戒作臣允之

臣美後兩戒字皆作美勉六莖作勉六穊百石卒史

作百戶卒史後四石字皆作戶給犬酒直作給大酒

直後犬字亦作大來行祠作夫行祠給牛羊分之下

各一之上尙有磨滅者三字今作給牛羊豕各一脫

去三字給米祠作給米祠臣愚以爲如瑛言作臣愚
以爲宜如瑛言多一宜字孔子大聖作夫子大聖三
月廿七日作三月二十七日壬寅之下司徒之上碑
有奏雒陽宮元嘉三年三月丙子朔廿七日壬寅十
八字今全脫去選其年卅以上作選年四十以上後
卅字亦作四十如詔書書到作如詔書到脫一書字
行長史事卞作行長史事下敢言之司徒司空府碑
係撞頭並無缺文今反注磨滅不知幾字爲宗所歸
除祿補名狀如牒作爲宗所歸一除祿補名狀如牒
多一一字死罪死罪上司空府作死罪上司空府脫

去二字若重規矩作名重規矩乙君作之君漢隸為世所珍貴摹搨者衆後且益就剝蝕今尙有可辨者

謹為考正如此孔繼汾跋

碑云孔子十九世孫麟廉請置百石卒史按廉者察也訪也麟是人名或讀麟廉二字為人名非也 洪

氏所釋給大酒直犬字實與大字不侔而從來無言及之者以愚見度之似是犬字蓋卽發字也既省發

為犬又省犬為犬耳 碑稱孔鮒脩春秋嚴氏經按公羊春秋有顏嚴之學下邳嚴彭祖睦孟之弟子也

朱氏經義考云嚴氏流派史未之詳而其承師條下

所列治嚴氏者於漢史外遍徵詮釋而獨不及於孔

蘇何也

兩漢金石記

碑載魯相平行長史事卞守長擅上公府書漢制王國相置長史一人猶郡守之有丞也卞爲魯屬縣故守長得上行長史事其云守者未正授之名也書首相長史並列其後祇相一人署名史晨碑亦如此式蓋漢時公牘之例然也前稱司徒司空府後祇稱司空府當時必有故事今不可考太常有祠曹掾史百官志亦失載碑云乙君察舉守宅除吏孔子十九世孫麟廉請置百石卒史一人蓋乙瑛有功於孔氏者

二事察廉一也請置守廟卒史二也洪氏謂麟廉請
置百石卒史一人而乙瑛書言之於朝疑未然矣易
說卦傳幽贊于神明釋文云本或作讚此碑正作幽
讚神明可證陸氏之有本也

潛研堂金石文跋尾

韓勅碑云孔子近聖爲漢定道史晨碑臣伏念孔子
乾坤所挺西狩獲麟爲漢制作此碑亦云孔子大聖
則象乾坤爲漢制作許冲上說文表深惟五經之妙
皆爲漢制董仲舒表春秋之義稽合於律無乖異者
然則春秋漢之經孔子制作垂遺於漢春秋繁露春
秋之聽獄也必本其事而原其志鹽鐵論春秋之治

獄論心定罪志善而違於法者免志惡而合於法者
誅漢書淮南衡山反使仲舒弟子呂步治淮南獄應
劭曰仲舒居家朝廷每有政議遣廷尉張湯問其得
失於是作春秋決獄二百三十二事藝文志春秋有
公羊董仲舒治獄十六篇然則二碑言爲漢定道爲
漢制作與諸書皆有合也

桂馥
跋

吳斗南兩漢刊誤補遺云三王世家並載諸臣奏疏
其著朔可爲後世法程曰三月戊申朔乙亥御史臣
光守尙書令丞非下御史書到言丞相臣青翟御史
大夫臣湯云云昧死上言臣請立臣閔臣旦臣胥爲

諸侯王云云制曰可四月戊寅朔癸卯御史大夫湯
下丞相丞相下中二千石二千石下郡守諸侯相前
言戊申朔則乙亥爲二十五日矣前言戊寅朔則癸
卯爲二十六日矣中興以後有司失其傳如先聖廟
碑載三月丙子朔二十七日壬寅司徒雄司空戒下
魯國又修西嶽廟碑載十二月庚午朔十三日壬午
洪農太守臣縠頓首死罪上尙書案魯相晨祠孔廟
奏銘建寧二年三
月癸卯朔七日己酉魯相臣晨長史
臣謙頓首死罪上尙書亦與此同文烏有知朔爲丙
子庚午而不知壬寅壬午爲二十七日十三日者哉
斯近贅矣今世碑記祭文踵先漢故事可也余按中

興之初猶存西漢遺制後漢書隗囂檄文云漢復元年七月己酉朔己巳言己巳則爲二十一日也吳氏之言信有本哉 碑首行司徒臣雄司空臣戒稽首言末言臣雄臣戒愚慙誠惶誠恐頓首頓首死罪死罪臣稽首以聞此卽漢制三公奏事之式與獨斷所云奏者亦需頭其京師官但言稽首下言稽首以聞相合然誠惶誠恐頓首死罪字蔡氏略之不書今以碑所載可証其有遺典也

授堂金
石跋

按後漢書廷尉吳雄以明法律斷獄平起自孤宦致位司徒附見郭躬傳趙戒桓帝初以定策封尉

亭侯附見其子趙典傳質帝紀本初元年閏月司空趙戒爲司徒桓帝紀建和元年十月司徒趙戒爲太尉三年十月免元嘉元年四月光祿勳吳雄爲司徒二年十二月特進趙戒爲司空永興元年十月司徒吳雄罷司空趙戒免碑稱元嘉三年卽永興元年是年五月始詔改元故中隔兩月而紀元各殊也雄戒罷免亦在是年才三月後事耳戒以阿附梁冀傾陷忠良爲清議所不齒故范史於李固傳贊云其視胡廣趙戒猶冀土也而此碑因魯相尊師崇道循例轉奏列名首行亦爲金石之

玷讀者不可不知

宛令李孟初神祠碑

碑高四尺八寸廣二尺七寸十
五行行約三十字今在南陽縣

故宛令益州刺史南郡襄陽李闕下字孟初

神祠之碑

□□舉孝廉除□□郎中遷闕下史卒官□故吏

民追思德化闕下更訊治立碑復祠闕下垣

宇樹木皆不闕下中大入共案文□□□□

文闕下永興二年六月己亥朔十日□

宛令闕下部勸農賦捕掾李龍南闕下游闕下屋

有守祠義民今聽復無闕下時令琅耶開陽

貴君諱咸□□□□□□□□□□伯闕

河南雒陽虞衍字元博□□□□□□□□□□

□□□□仲興闕掾吳定尉□功曹史

□□伯□□時畜夫劉俊琳又佐闕下戶

□□□□伯□史佐元舉□□□□時

賊捕掾李龍升高□□□□京□甫闕下□

□□供功曹史左治□□□□□□時亭長

張河等□□唐譚伯祖闕下

是碑歐趙洪以來著錄諸家皆未之及其當中穿處

日永興二年六月己亥朔十日以通鑑考之漢桓帝
永興二年甲午四月己亥朔七月戊辰朔則六月爲
己亥朔無可疑者碑以立祠爲主故不詳叙李君出
處之蹟蓋曾舉孝廉官郎中官宛令又官益州刺史
卒於官吏民追思爲立祠也賊捕掾官名不見於史
志碑文系於勸農則所謂各署諸曹掾史者史亦未
之詳也貴君以下則立祠之諸官姓名其令則益州
官也 婁氏漢隸字源云漢碑年字垂筆有長過一
二字者然此碑婁所不載也楊孟文石門頌命字則
以石紋斷裂適當垂處不遑寫下一字而引上脚使

長又與是碑年字不同

兩漢金石記

此碑題首二行行約十五字文十三行行二十八字
第一行故宛令益州刺史云云字大三寸其文字僅
半之中有穿惜半摩滅不可復辨碑新出土故前此
金石家多未及載今錄其可辨者如右蓋因李孟初
官宛有德政義民因爲立祠也書法疏秀似韓仁銘
當爲唐蔡有鄰所本

中州金石記

百官志五官爲廷掾監鄉部春夏爲勸農掾今碑正
與志合至云瑯琊開陽考地理志開陽屬東海至後
漢屬瑯琊郡國志瑯琊國有開陽是也左傳哀公三

午城破陽卽開陽以避諱易之中大人其案文字蓋
以官者監視摹勒上石亦猶袁逢華嶽廟碑道郭香
察書之比但一令長神祠至邀中貴爲之檢案亦莫
解其殊寵之由也

授堂金
石版

金石錄卷八終

金石萃編卷九

賜進士出身 誥授光祿大夫刑部右侍郎加七級王昶撰

漢五

孔謙碣

碣高二尺六寸廣一尺七寸八
行行十字今在曲阜縣孔廟

孔謙字德讓者宣尼公廿世孫都尉君之
子也多體簡石自然之姿長膺清妙孝友
之行禮述家業彌睿秋經升堂講誦浹究
聖指弱冠而仕歷郡諸曹史年世四永興
二年七月遷葬不祿

右漢孔德讓碑永興孝桓帝年號也其人早卒無事蹟可考余集錄所藏孔林中漢碑最後得此遂無遺者蓋以其文字簡少無事實故世人遺而不取獨余家有之也

樂古錄

右孔謙碣其名不甚可辨考孔氏譜得之所謂都尉君者太山都尉宙也孔融別傳云宙有七子融之次第六載於譜錄者惟有謙褒融三人褒之名見史晨

碑錄

右孔謙碣甚小一穿微偏左有暈一重起於穿中復有兩暈在右其一甚短與它碑小異文八行行十字

後餘兩行續

東漢孔君碑及孔德讓碑皆在孔林中孔君孔子十
九代孫名震官至河東太守德讓孔子二十世孫都
尉君宙之子名謙德讓其字也歷郡諸曹吏宙震之

弟彭大翼山
堂碑考

碑云禮述家業脩春秋經此宙之第六子也愚已補
載其爵氏於經義考承師門孔褒一條之後矣然据
其文曰脩春秋經則德讓必自有纂輯之書未可概
以嚴彭祖之師法泥之也 長膚清下洪作妙按古
無妙字或書爲眇然此石本今尚可見止一少字居

中其左竝無女目等字之偏傍或當日省作少卽是
妙字乎若直釋爲女旁之妙則非也

兩漢金石記

碣文今益浸漶所存字少有完者惟後文年卅四顯
據今集古錄訛卅作廿又脫四字洪氏亦訛卅作廿
傳刻之過也流俗人謂此碣爲孔宏蓋失檢爾

授堂金石

孔君墓碣

碣高三尺八寸廣二尺八寸行十五字額
題孔君之墓四字篆書今在曲阜縣孔廟

□ 永壽 元年 未青龍 □ □ □ □ □ □ □ □ □ □

□ □ □ 孔子十九世孫 □ 君 □ □ □ 好學 □

□□□□履方約身□□□□
德施州里朝廷□□□□五官掾守長
史兼行相事所在□行□□□□於
獻哀□□□□□□吉安者□□□
芬刊石達□□示後□□□字□□□
此□□□

右漢孔君碣在孔子墓林中其額題孔君之墓文已
殘闕其前云元年乙未而元年上闕二字按東漢自
建武以後惟桓帝永壽元年歲次乙未其他有三乙
未皆非元年然則此碣所闕二字當爲永壽也

金石錄

右碑乾隆癸丑暮春錢唐何夢華元錫得於聖林牆外移置廟內別立碑以識其處元爲記之文中可辨者五十二字孔君名字無存惟云孔子十九世孫當是孔宙孔彪兄弟行也此碣規式異於諸碑自趙氏金石錄已云漫滅況又閱數百年宜其存字無多也

山左金石志

按是碣自趙氏以後無著錄者文多漫漶然其世系仕履略可考見云孔子十九世孫則卽孔麟孔宙之兄弟也百官志五官掾署功曹及諸曹事又皇子封王其郡爲國每置相一人相如太守有長

史如郡丞此云五官掾守長史兼行相事則孔君
由五官掾爲長史兼行相事蓋曾仕王國而不能
詳其爲何王矣韓勅碑有魯相平行長史事與孔
君以長史行相事者不同漢官兼攝之制蓋如此

韓勅造孔廟禮器碑

碑高七尺一寸廣三尺二寸十六
行行三十六字今在曲阜縣孔廟

惟永壽二年青龍在君歎霜月以靈皇極
之曰魯相河南京韓君追惟太古華胥生
皇雒顏口育口寶俱利元道百王不改孔
子近聖爲漢定道自天王以下至于初學

莫不駘思嘆叩師鏡顏氏聖明家居魯親
里并官聖妃在安樂里聖族之親禮所宜
異復顏氏并官氏邑中繇鼓以尊孔子念
聖歷世禮樂陵遲秦項作亂不尊圖書倍
道畔德離敗聖輿食糗亡于沙丘君於是
造立禮器樂以音符鍾磬瑟鼓雷洗觴觚
屬鹿祖桓遵柩禁壺頒飾宅廟更作二輿
朝車威熹宣杼廟謠吁以注水杯法舊不煩
飾所不奢上合紫臺稽以中和下合聖制
事得禮儀於是四方士仁聞君風耀敬咏

其德尊琦大人之意復彊之思乃共立表
石紀傳億載其文曰

皇黼統華胥承天畫卦顏育空桑孔制元
孝俱祖紫宮大一所授前闔九頭以升言
數後制百王獲麟來吐制不空位承天之
語乾元以來三九之載八皇三代至孔乃
備聖人不世期五百載三陽吐圖二陰出
識制位之義以俟知奧於穆韓君獨見天
意復聖二族連越絕思循造禮樂胡輦器
用李古舊宇愨愨宅廟朝車威熹出誠造

口深不水解工不曷賈深除廟諱汙水通口
注禮器升堂天雨降澍百姓訥和舉國蒙
慶神靈祐誠竭敬以報天與厥福永享年
壽上極華紫翳及皇代刊石表銘與乾運
耀長期蕩蕩於盛復授赫赫曰窮聲垂億
載

韓明府名勅字初節 穎川長社王廟諱君
具二百 河東大陽西門儉元節二百
故涿郡太守魯庶次公五千 故會稽大
守魯傳世起千 故樂安相魯庶季公千

故從事魯張嵩眇高五百 相王簿魯
薛陶元方三百 相史魯周乾伯德三百
碑陰

共三列每
列十七行

西成侯王景二百 遺西陽樂張普仲堅口百

河南成宰蘇漢明二百 其人冢土

河南雒陽种亮奉高五百

故兗州從事任斌呂育季華三千

故下邳令東平陸王褒文博千

故潁陽令文陽鮑宮元威千

河南雒陽李申伯百

趙國邯鄲宋瑱元世二百

彭城廣成姜尋子長二百

平原樂陵朱恭敬公二百

平原濕陰馬璿元真二百

彭城麟治世平二百

泰山鮑丹漢公二百

京兆劉安初二百 故薛令河內溫朱巖伯珍五百

下邳周宣光二百 故豫州從事蕃加進子高千

河間東州齊伯宣二百

陳國苦窳崇伯宗二百

穎川長社王季孟三百

汝南宋公國陳漢方二百

山陽南平陽陳漢甫二百

任城雷君舉二百

任城王子松二百

任城謝伯威二百

任城高伯世二百

相王薄薛曹訪濟興三百

相中賊史薛窳韶興公二百

薛弓奉高二百

相史下呂松口遠百

騶韋伯卿二百

處土魯劉靜子著千

故從事魯王陵少初二百

故督郵魯开輝景高二百

魯曹悝初孫二百

魯劉元達二百

故督郵魯趙輝在臺二百

郎中魯孔宙季將千

御史魯孔翊元世千

大尉掾魯孔凱仲弟千

魯孔曜仲睢二百魯孔儀甫二百

處士魯孔方廣率千

魯孔巡伯男二百文陽蔣元道二百

魯孔憲仲則百文陽王逸大豫二百

尚書侍郎魯孔震元上三千

魯孔汎漢光二百南陽宛張光仲孝二百

守廟百石魯孔恢聖文千

成矣魯孔建壽千河南雒陽王敬子慎二百

故從事魯孔樹君德千

魯孔朝升高二百 魯石子重二百

行義掾魯弓如村都二百

魯劉仲俊二百 北海製袁隆展世百

魯夏侯廬頭二百 魯周身伯臺百

碑右側

共四列每
列四行

山陽瑕丘九百元臺三百

齊國廣張建平二百其人處土

上黨黨長子楊萬子三百

蒙士魯孔徵子舉二百

魯徐伯賢二百

魯劉聖長二百

河南夏肅骨鄰通國三百

河南平陰樊文高二百

河東臨汾敬信直千

河南雒陽左樹黨二百

東郡武陽董元厚二百

東郡武陽桓仲豫二百

泰山鉅平韋仲元二百
蕃王狼子二百

泰山費淳于陵季遺二百

故安德侯相彭城劉肅伯季五百

故平陵令魯熹恢元世五百

碑左側

共三列每
列四行

東海傅河東臨汾敬謙字季松千

時令漢中南鄭趙宜字子雅

故丞魏令河南京丁璿拊舉五百

左尉北海劉趙福字仁直五百

右尉九江浚道唐安季興五百

司徒掾魯巢壽文后三百

河南盧師度徵漢賢二百

南陽平氏王自子元二百

相守史薛王芳伯道三百 魯孔建壽二百

相行義史文賜公百輝世平百

魯傅突子豫二百任城亢父治真百

魯孫股三百 魯孔昭村祖百 廬城子二百

碑云永壽二年青龍在涪灘霜月之靈皇極之日永

壽桓帝年號也按爾雅云歲在申曰涪漱桓帝永興

三年正月戊申大赦改元永壽明年丙申曰歲在涪

漱是矣云霜月之靈皇極之日莫曉其義疑是九月
五日韓明府者名勅字叔節前世見於史傳未有名
勅者豈自余學之不博乎

集古錄

碑云魯鹿祖桓遊杞禁壺脩飭宅廟更造二輿所謂
鹿者禮圖不載莫知爲何器又據字書杞木皮可爲
索豈陳樂也亦非器名皆不可曉故并著其語以俟
知者

余後見復陽陳氏所藏古彝爲伏鹿之形近歲
青州獲一器亦全爲鹿形疑所謂鹿者因其形

而名之耳
金石錄

右魯相韓勅造孔廟禮器碑無額其文雜用譏緯不
可盡通呂氏春秋云有仇氏女採得嬰兒於空桑是

爲伊尹蓋托之神物與履拇吞臍同或曰空桑地名也此云聖母顏氏育於空桑不經之甚渚歎者以歎爲激也聖妃者以妃爲配也雷洗觴觚爵鹿祖桓遵
斝禁壺者以雷爲鼎以祖爲俎也古爵三足而兩柱前若囑後若尾有爵之象趙曰青州近獲一器全爲鹿形此所謂鹿豈非肖其形因以名之乎說文木豆謂之桓斝音凡木名也皮可爲索禮器曰大夫士於禁注云禁如今之方案儀禮鄉飲酒禮戶閒斯禁設篚于禁南注禁切地無足者壺與上下文符觚與汗協韻當是壺字也胡輦者瑚璉也

碑以伎爲鑿驪音
璉遵卽遵字涑卽

漆字

右韓勅碑陰六十有二人不稱字者一人不稱名者二十一人漢人題名必書名字否則各有說也楊震碑陰孫定博諸人不名者非其門生也逢盛碑陰崔孟祖數人不名乃其父黨也題名於韓勅碑左凡八人魯之二庶一傅不名者別守相之尊也張納碑陰主簿白文已下不稱字者示其異於從事季元也史晨後碑五官掾孔暢六人不稱字者亦示其卑於長史李謙也孔僖傳云永元四年徙封孔損爲褒亭侯損卒子曜嗣曜卒子完嗣此碑有孔曜仲雅則永壽時曜尚未襲封所謂褒成侯建壽當是孔損之

字傳作褒亭其說在孔無碑自永元四年至永壽二年亦六十五

年矣題名中孔族凡十四人有譜可考者懼及郎中
宙御史翊侍郎彪皆孔子十九世孫也建壽爵齒俱
尊而在子姓之閒宜其不名餘人雖不見爵秩當亦
是一時耆老獨曲成侯王曷一人不稱字豈爵雖襲
而年尚穉者乎蘇漢明者已鑄而續書故以其人處
士識于下張普朱熊五人書體不同蓋後人所增者

隸釋

韓明府名勅字叔節歐陽永叔謂書傳無以勅命名
者秦制天子之命爲勅漢用秦法臣下不敢以勅名

考之字書勅字從東誠也古者以勞賚爲勅勅爲賚
音其文爲徠別體當南齊時有劉勅爲始興內史則
古人名勅何世無之往昔文嘉謨作縣樓架勅書於
昌樂榜爲勅書蜀中縣多作勅者說文勅音策馬箠
也敕音奇木別生也嘉謨勛之子勛有書名其子不
能考古如此

廣川書跋

右漢魯相韓勅造孔廟禮器碑說者謂其文雜用識
緯不可盡通余觀東漢自光武以赤伏符卽位篤好
圖讖臣下則而效之流弊浸廣至漢末而其說尤熾
見之金石者不特此碑然也帝堯碑云堯遊於元河

之上有龍授鬲堯乃受命成陽靈臺碑云堯母慶都
遊觀河濱感赤龍交而生堯魯相史晨孔廟碑云孔
子乾坤所挺西狩獲麟爲漢制作皆怪誕恍惚不經
之甚

金薤
琳瑯

射禮有鹿中高一尺五寸爲鹿形背設圓筒以納筭
筭射畢以釋之器也又有乏如屏風所以爲獲者御
矢恐卽朽也其有木旁正猶俎豆之爲祖桓也

錢穀
校金

石錄
記

歐陽永叔謂書傳無以勅命名者秦制天子之命稱
勅漢用秦法當時臣下豈敢以勅自名者是以勅爲

敕也詳廣川書跋第意有未明余更著之韓明府自
 名勅從力來聲音衰勞也亦作徠徠來荅勸曰勞撫
 至曰勅示有節也故字叔節以勅為敕譌也敕從支
 東聲誠也支小擊也又有束縛之義故為敕命之敕
 又支旁加束音策馬箠也束讀若刺又敕從支束聲
 音其木別生也支持也與支異四字易淆故詳著之

金石
史

闕里孔子廟廷漢魯相韓勅叔節建碑二前碑紀造
 禮器後碑以志修廟謁墓碑陰兩側均有題名思夫
 孔子既沒褒崇之典歷代有之世本王侯大夫莫不

有宗譜族牒聖人之後獨無聞焉厥後仙源宗子珍
扈宋南渡金源立別子爲祖嘉熙雖仍錫文遠以爵
而授之田里俾居三衢宋之亡也忽焉元人思復立
大宗而宗子辭不受能以禮讓是人之所難也以余
所見明嘉靖中孔門僉載一書先聖六十一代孫承
德郎魯府審理正宏幹所撰有世表有宗系圖其於
三衢一支棄而不錄莫系世辨昭穆者宜如是乎可
爲長太息也矣勅前後碑陰載孔氏苗裔有褒成損
建壽御史翊元世東海郎中訢定伯豫州從事方廣
平故從事樹君德朝升高守廟百石卒史恢聖文文

學百石芝德英故督郵承伯序賴元夏進幼達相史

誦仲助術子佑贊元賓曜仲雅遵公孫旭連壽番安

世太尉掾凱仲悌處士微子舉巡百男憲仲則汎漢

光凡二十三人而後碑稱碑是孔從事所立殆方也

伏念聖人之後有賢子孫改修關里志孔門僉載則

宗子支子之流派及書名史冊碑碣者具書之惟非

其族必去非聖人之言必削之庶乎其可已

聯書序集

歐陽公云前世見于史傳未有名勅者予觀繁陽令

楊君碑陰有故民程勅字伯嚴則漢時不獨韓明府

名勅也勅字本音徠去聲今按二君之字皆作飭字

解金石後錄

此碑所用字古奧尤多今考訂一一詳之曰莫不驥
思驥音驥集韻通作驥曰歎叩師鍾叩卽仰華山磨
碑日月星辰所昭叩也老子銘叩其生平劉熊碑莫
不師叩鄭固碑叩號焉告詩瞻叩昊天史記帝紀叩
而射之西漢刑法志天下所叩皆同仰也曰顏氏聖
舅家居魯親里并官聖妃在安樂里乃啟聖公夫人
顏氏宣聖夫人并官氏所居之地也關里志云歷年
久遠二里之名雖存而地不可考矣家語云孔子年
十九娶于宋之开官氏六十六歲夫人开官氏卒曰

邑中繇發金薤琳瑯闕繇字碑文現存曰食糧亡于沙邱闕里志云秦始皇發孔子墓既啟見冢壁上刻文云秦始皇何強梁開吾戶據吾牀飲吾漿唾吾堂食吾飯以爲糧張吾弓射東牆前至沙邱當滅亡蓋用其語也曰尊琦大人琦卓犖貌曰連璽之思連音綽說文遠也璽卽彌久也成陽靈臺碑廣漢長王君石路碑防東尉司馬季德碑俱作璽言諸君美韓明府造立禮器欲爲文立石垂示久遠也其文以四言爲句而首句獨五言加皇字于上高出碑文一字曰皇戲統華胥子謂於皇字下著一歎美之辭孫庶常

澄似修幸魯盛典載此碑以戲作義謂伏羲承天畫
卦而啟孔氏之制作其說是也金薤琳瑯云皇字下
闕一字今碑戲字現存曰前闕九頭闕卽開梁相孔
光祠碑祝睦後碑俱有此字曰以升言敘升漢隸字
源收入四十五厚作斗白石神君碑粟升五錢升字
亦如此寫曰以俟知奧金薤琳瑯知字下闕一字今
碑奧字現存趙子幅以都楊二公錄闕七字晉得戲
奧二字遂載于跋語予所錄亦同趙本何都楊二公
反不及見也曰胡輦器用以輦作璉連上聲二字之
音本同張爾公云漢隸孔廟碑作胡輦非駁議而無

所援據恐漢人未受也曰上不爭賈買價也曰永享
牟壽牟冒字之通也曰旁伎皇代子觀碑文伎似及
字而漢隸字源收作伎又收作暨暨字之義爲長也
概自漢末崇尚識緯文中如霜月之靈皇極之日華
胥生皇上合紫臺俱祖紫宮太乙所授前闕九頭三
陽吐圖二陰出識等語皆本於緯書獨是韓君叔節
志存聖道造立禮器其爲樂之屬有四祭之屬十有
二準之于今雖略而未備然自君初始至今享祀千
載不墜爲功猶多今廟中之有編鐘編磬應鼓雅瑟
頌瑟其卽韓君當時所製乎何遂無簫笛瑟笙祝敵

填篋之類也而觴觚爵鹿皆酒器罍者酒器亦盥酒
器洗則承水器榼遵之薦水上之品榼進肉之器喜
者次于尊彝今皆具存廟中至所謂杞禁二器則無
之杞音凡博雅盥盃也集韻或作盥盃禁是陳酒尊
之器酒必有禁禁以承尊名禁者曰爲酒戒也二器
之爲用韓君旣設于廟不知何時竟廢而不傳耶前
漢書彝尊作鬯籀文也碑書彝爲雷從籀文彝字寫
法下從世而上似告亦奇并官氏并字上作二點後
碑陰魯开輝無二點祖榼字用木旁皆字體之變者

金石遺
文錄

魯相韓勅修造孔廟禮器所立今謂之禮器碑集古錄作修孔子廟器表金石錄作韓明府孔子廟碑天下碑錄作魯相韓勅復顏氏繇發碑按碑云復顏氏并官氏邑中繇發以尊孔心發屬下句讀且所復者尚有并官氏而此碑又不爲復繇所立碑錄非也顧

古錄辨

皇極之日洪範五皇極五日爲皇極日也洪容齋隨筆謂月之五日皆可稱端午亦皇極之義也 范史百官志王國每置傅一人相一人光武建武二年封北海靖王興爲魯王此魯之所以有丞相也漢初其

官職傳爲太傅相爲丞相至景帝時吳楚七國反遂改丞相但曰相太傅但曰傅此魯之所以不稱丞相而但曰相也 并官氏聖妃按家語孔子年十九娶于宋之元官氏本注元古其字又姓也或誤作开碑書作并隸法小變耳隸辨以爲家語作并官氏與此碑同而以作开者爲誤今家語正作开以并爲正者隸辨誤耳聖妃者隸釋云以妃爲配按古者妃爲女子通稱漢曹全碑大女桃斐斐卽妃字魏書刑法志河陰縣民張智壽妹容妃則知妃字正不必讀作配也 按开字雖隸法有變不應書作并字今家語亦

正作并姓譜列并官氏于去聲敬韻引先賢傳亦正
作并官氏至元官二字各書俱無可考惟字典載之
亦不言出何書碑陰有开輝其人者开不作并 復
顏氏并官氏里中繇發以尊孔心鄭正畦云繇本作
徭史記高祖嘗繇咸陽應劭注繇役也發者禮王制
有發則大司徒教士以軍甲疏謂軍旅以發士卒也
胡輦器用隸釋云胡輦者胡埏也周禮大司徒鄉
帥大軍旅會同正治其徒役與其輦輦注夏后氏二
十人而輦殿十八人而輦尉十五人而輦故書輦作
連鄭司農云連讀爲輦禮記明堂位夏后氏之四連

釋文連本又作璉連璉璉三字古通用 勅說文勞也從力來洛代切敕誠也甬地曰敕從文東讀作恥力切兩字本不相通然經典相承皆以勅爲敕易噉盍先王以明罰勅法書皋陶謨勅我五典益稷勅天之命康誥惟民其勅赫和多士勅殷命終于帝詩楚茨旣匡旣勅皆以勅爲敕隸辨云敕者上命下之辭自漢以來官長行之掾屬祖父行之子孫皆曰敕漢史晨碑又勅瀆并復民漢書陳咸傳公移勅書而孫寶之告督郵范史多用勅字 鄭芷畦云涿郡太守樂安相之兄也省志志陵墓魯諸王墓下注云魯恭

王孫皆葬於此大墓二十餘石獸二石人三胸臆閒
篆刻曰漢樂安太守庶君然則庶姓是魯恭王後也

魯傳說見前魯相下此魯傅世起當是魯人之姓
傅名世起者非太傅之傅後左側魯傅克子豫乃是
魯太傅其爵雖尊而無功於聖廟且出泉之次在後
故列于左側也或以魯傅名號相同焉知此非太傅
之傅按漢碑題名未有但書其爵而不著姓者此傅
世起以是會稽太守故列碑前若果魯傅則其爵尊
於會稽太守不當列於太守下矣 褒成侯猶今之
衍聖公也爲孔子後與主聖廟祀事范史孔僖傳世

祖建武十三年封孔志爲褒成侯志卒子損嗣永元
四年徙封褒亭侯損卒子曜嗣按孔和韓勅兩碑皆
後永元六十餘年徙封已久不應猶仍故封今百石
卒史碑載褒成侯四時來祠韓勅碑陰載褒成侯孔
建壽仍而不改當由史誤又隸釋稱孔建壽卽損之
字按損以永元四年徙封卽封時年少至永壽二年
亦已老矣而子曜尚未襲封著於碑陰又曜旣爲損
子不應子列父前碑陰宜不失書其爲史誤的然無
疑矣 左側首書北海傳敬謙以是師傅之尊故首
列之且係北海郡官於魯爲客也下卽書令長丞尉

以是本郡官長故尊之也按范史縣萬戶以上爲令
不滿爲長丞各一人尉大縣二人小縣一人碑稱時
令則大縣也丞一人碑書故丞魏令向嘗爲丞今遷
魏令者也尉二人以是大縣故有左尉右尉也正與
史書合 此碑題名者凡百有七人多書出泉之數
唯韓明府及時令但列爵里名氏者韓明府功最大
非僅出泉者所可竝故首揭而大書之時令掌魯一
邑之政佐韓明府故亦不書出泉之數也 孔建壽
與碑陰重見碑陰稱褒成侯此但書魯碑陰書出泉
千此又書出泉二百豈既出泉千而復出泉二百與

百石卒史碑宋張稚圭據圖經謂是鍾太尉書此碑兗州府志亦云出太尉手按魏志繇以太和四年卒上距永興元年尚七十八年距永壽二年亦七十四年計此時繇尚幼冲決無能書碑之理今之談漢碑者稍前必以歸之蔡邕稍後必以歸之鍾繇二碑正當蔡邕之時或以歸諸邕尚有可據而云鍾繇決無是理大段邕所書碑有據者唯鴻都石經繇所書碑有據者唯勸進受禪表餘皆無據不足信也已永興元年魯相平請爲聖廟置百石卒史到此遂有守廟百石孔恢一人然前所請置者孔和也曾未兩

年遠易孔恢不解何故 王澐虛舟題跋原

右漢魯相韓勅孔子廟碑天下碑錄題為魯相復顏

氏繇發碑集古錄隸釋題為魯相修孔廟禮器碑皆

得其一而遺其一不若金石錄但目為韓明府孔子

廟碑之為該也 家語孔子娶于宋非官氏萬姓統

譜引先賢傳孔子娶非官氏非讀去聲皆與此碑同

今闕里志誤作元作讀如楷蓋形聲非誤矣乃或者

不考反以作非者為非謬甚 趙氏云字書豈陳樂

也非器名不可解按趙氏誤引說文豈字之訓說文

豈陳樂立而上見也從中從豆中句切碑字作豈與

豈迥別 兩側前第六人云相行義史文陽公百輝
世平百恭壽先生跋云文陽公爲一人輝世平爲一
人當是姓文名陽公或字陽公者非公侯之公也輝
世平不著郡望當與文陽公同里并同官者故卽繫
文陽公下子按此說非也漢書地理志後漢書郡國
志汝陽屬魯國史晨後碑有文陽馬琮隸釋云以文
陽爲汝陽此碑之陰書文陽者凡三人皆汝陽也此
人亦隸籍汝陽公百其姓輝其名世平其字百乃所
出泉數耳古複姓有公伯氏魯論有公伯寮伯與百
蓋通用也若以文陽爲一人輝世平爲一人旣與前

後書法不類況文陽公既無郡望輝世平之郡望又何從知且姓氏書亦無輝姓也兩側後第一人云山陽瑕邱九百元臺三百先生跋云瑕邱乃地名非人名按范史屬山陽郡元臺亦當是山陽所屬之地子按此說亦誤元臺之爲地名既無可考且他碑陰亦從未有合一邑所出泉數而總記之者蓋九百非泉數亦人姓名也列子有九方臯唐有九嘉宋有九眞明有九焯九姓歷歷可數元臺則其字也先生于此碑并陰及兩側考訂極詳此其小誤子特表而出之

金石

碑云并官氏聖妃方綱謹按集韻增韻韻略諸書及
唐林寶元和姓纂皆不收此姓惟宋鄧名世古今姓
氏書辨證十四清內有并官復姓注引先賢傳孔子
娶并官氏生伯魚近日顧南原隸辨吳山夫金石文
存亦皆以并爲是方綱又於國學暨江寧府學見元
明加封詔書碑皆書作并楷隸相證愈無可疑王虛
舟乃以隸辨爲誤蓋未之考耳 何義門曰孔子娶
於并官氏白王伯厚姓氏急就篇及宋本東家雜記
皆作并而正義中反從流俗作并若非宋本何以析
疑張埴曰宋大中祥符元年鄆國夫人勅亦曰并官

氏 碑字別體洪釋尚未有盡者如廣韻駿同驥是但爲驥字訓耳若專訓駿字則直當引禮記正義希驥慕仰之義音義皆當主冀字不必主驥字也又如士仁處士之士皆是士字又以根爲糧以苻爲符以穎爲頽以卬爲仲以云爲卞以彖爲彪以舉爲皋以傾爲戚皆假借通俗之漸也 虛舟先生於此碑考核不遺餘力然其閒舛謬者不一而足如論人名一條云舊說謂東漢承王莽制人無二名按二名惟後漢書無之漢碑多有他不具論卽此一碑二名者便數十人可知前語無據方綱按此碑惟王嵩孫殷二

人稱名不稱字其餘如應次公傳世起以下凡二字

者皆其字非其名也

碑側傳克子豫亦是姓傳名克字子豫而虛舟以爲太傅之官

亦又一條云右側惟蕃王狼子爲最尊然不以居首

而與安德侯相平陵令竝列然書特縱橫於碑陰爲

絕異中外賓主之辨始終秩然也方綱按此蓋誤讀

蕃王二字爲外國之王耳不知蕃是邑名王其姓也

碑陰中列第六行謝伯威二百第七行高伯世二

百此二行下有細隸書三行云熹平三年左馮翊池

陽項伯脩來凡十三字方綱以滁陽顧苓云美所藏

舊拓本審定得之從來著錄家所未見也 韓勅後

碑亦見於隸釋隸續而今竟不見其石子屬曲阜桂君再四訪覓弗獲也昔年金陵鄭汝器猶手拓其本以遺朱竹垞見於曝書亭集何至今數十年間乃湮晦不見斯亦異矣据隸續所錄碑陰末一行云永壽三年七月廿八日孔從事所立即碑陰人名內云故豫州從事魯孔方廣平五百者也按此與前碑陰內處士魯孔方廣率當是兩人率字今微露右半是以姑依洪氏作率字耳

兩漢金石記

碑文云連壘之思連壘卽卓爾也云前閭九頭以什言教後制百王獲麟來吐什言者十言也春秋正義

引易云伏羲作十言之教曰乾坤震巽坎離艮兌消
息碑蓋用其語上一句言贊易下一句言作春秋意
正相對婁機顧藹吉皆釋什爲斗文義殊難通矣自
皇戲統華胥而下五十二句句皆四言獨皇戲句五
言而皇特跳上一格書之不可解竊意此字後人妄
加非本文也 右碑陰題名六十有二人兩側三十
有二人碑之左方題名者八人有書名不書字者王
嵩孫殷是也有書字不書名者庶次公蘇漢明是也
有書名兼書字者西門儉元節种亮奉高是也有書
名書字而又殊其例者敬謙字季松趙福字元直是

也郡縣兼書如潁川長社河南成皋之類碑之常例
也有書縣不書郡者魯卞文陽蕃騶薛皆隸魯碑爲
魯相立不必更書魯國也東平陸隸東平國非同郡
而不書避重出也任城泰山彭城下邳京兆或不書
縣者郡所治也若泰山之鉅平任城之亢父彭城之
廣戚則郡縣仍兼書也惟曲成侯王嵩郡縣俱不書
又例之變也碑有相行義史文陽公百輝世平百有
山陽瑕邱九百元臺三百此公百九百乃複姓非出
錢之數也何氏姓苑云昔岱縣人姓九百名里爲縣
小吏而功曹姓萬縣中語曰九百小吏萬功曹是古

有九百氏也廣韻公伯複姓有魯大夫公伯寮碑云
公百以百爲伯也文陽卽汝陽後漢書王梁傳擊肥
城文陽拔之注支音汝與此碑正同也碑陰有褒成
侯孔建壽碑側又有孔建壽古人命字多相同非一
人而再見也云守廟百石卽乙瑛碑所置百石卒史
也不云卒史者省文猶稱太守曰二千石也洪氏隸
釋有碑陰無兩側都元敬所藏搨本合碑左方碑陰
兩側爲一元敬不能詳考妄譏洪之誤不知隸釋所
載碑陰本無闕文也兩側題名不載於隸釋元敬自
以意讀之舛謬殊甚如以河南偃師爲河浦退師任

城亢父為侯我交父皆大可笑也

潛研堂金石文跋尾

禮器碑霜月之靈說金石者不曉霜月為何語子謂

霜月者相月也爾雅說天篇七月為相 禮器碑顏

育空桑隸釋引伊尹生空桑以為不經之甚子謂空

桑者窮桑也左氏昭九年傳遂濟窮桑注窮桑少皞

之號也窮桑地在魯北定四年封于少皞之虛注少

皞虛曲阜也在魯城內顏母生于曲阜即少昊之虛

故稱空桑空窮古書通用洪譏其不經殆未考左傳

耳 錢大昕十駕齋養新錄

碑云復顏氏并官氏邑中縣發以尊孔心按復讀如

瀆井復民之復免其賦役也禮記八十一子不從政
九十家不從政鄭注復除之後漢書光武紀幸南陽
復田租一歲父老願賜復十年王良傳詔復其子孫
邑中徭役王沈魏書老耄須待養者年九十以上復
不事家一人又云譙霸王之邦其復譙租稅二年魏
志杜畿傳舉孝子貞婦順孫復其繇役魏略顏斐爲
京兆聽吏民欲讀書者復其小徭江表傳樂從軍者
一身行復除門戶吳志劉繇傳有好佛者聽受道復
其他役呂蒙傳與守冢三百家復田五十頃陳武傳
初表所受賜復人得二百家潘璋傳賜田宅復客五

十家宋書嚴世期傳復其身徭役南史梁武紀詔蘭陵縣修建二陵周回五里內居人賜復終身魏書太宗紀所過復一年田租碑蓋言復其終身且賜及邑里也尊卽奠字奠定也奠尊聲相近說文奠或從寸是形亦相近絲俗作徭說文作絲隨從也發謂調發管子大匡篇野爲原又多不發朱長春曰不發是大徭大役簡少其野多不發之獄樊紗復華下民租田口筭碑每被詔書調發無差新序魯君命有司無得徵發單父漢書嚴助傳是時征伐四夷開置邊郡軍旅數發兒寬傳後有軍發後漢書韋彪傳賦發充常

調而貪吏竊其財續漢書劉寵爲會稽太守若耶溪父老送寵曰他時更發不已民或夜行狗吠竟夕人不得安王沈魏書不得擅興發北史和平二年詔自頃每因發調逼人假貸建德元年詔自今正調以外無妄徵發正始元年詔諸州獨停徭役不得橫有徵發魏志王修傳自爲營塹不冝應發調英雄記張咨不應調發吳志孫堅傳術跋踣卽調發軍糧孫權傳至於發調者徒以天下未定事以厭濟駱統傳每有徵發羸謹居家重累者先見輸送北史魏宣武紀詔諸州獨停徭役不得橫有徵發晉陽秋劉宏爲荊州

刺史每有興發手書與郡國丁寧謹密故莫不感悅
顛倒奔赴宋書沈攸之傳賦斂嚴苦徵發無度凡此
皆繇發之事可爲碑作證者也 碑云遵柝禁豷隸
釋以柝爲柝云音凡木名也皮可爲索又釋禁字引
禮器大夫士櫨禁馥按柝卽櫨字玉篇櫨几屬也廣
韻櫨無足尊也柝木名可爲箭筈蓋隸體借柝爲櫨
也太平御覽禁一名櫨乙去切引三禮圖櫨長四尺
廣二尺四寸深五寸無足漆赤中青雲畫陵苕華飾
禁長四尺廣二尺四寸通局足高三寸漆赤中青雲
畫陵苕華飾刻鏤其足爲褰帷之形據此則三禮圖

與玉篤几屬之訓相合禮器注云於斯禁也謂之於

者無足有似於於或因名云爾孔疏於足舉名故既夕禮云設於于東堂

下注云於今之舉也又注特牲云於之制如今大木舉矣上有四周下無足今大夫斯禁亦無足似木舉

之於故周公制禮或因名此斯禁云於耳大夫用斯禁士用於禁如今方

案備長局足高三寸馥謂如今方案者亦几屬也廣

韻以爲無足尊者卽禮器天子諸侯之尊廢禁也特

牲饋食禮壺於禁饌于東序是則遵於禁烹皆禮器

韓君所造者也洪氏知引於禁而不識於字蓋疏於

借體誤以於字當之矣碑又云雷洗湯觚爵鹿祖桓

凡八器雷壘也禮記魯祀周公於太廟尊用犧象山

鼎是也湯觴也說文觶實曰觴又云觴受三升者謂
之觶是也鹿角也漢角里先生一作祿亦作鹿鹿角
聲相近儀禮主人洗角禮記舉兪角又云宗廟之祭
尊者舉觶卑者舉角是也祖卽俎字皆借體也桂馥
禮器俾瑚璉作胡輦按春秋傳曰胡簋之事明堂位
曰夏后氏之四連易蹇之六四曰往蹇來連虞翻曰
連輦也周禮鄉師輦輦注云故書輦作連先鄭云連
讀爲輦巾車職云輦車組輓陸氏云輦本又作連音
輦管子海王曰行服連輶輦漢書連勺孫如淳音輦
酌則知連與輦音義皆同也莊子連字皆音輦說文

胡連字又作榷徐鉉云俗作璉則二字皆从玉旁俗所作也 禮文王世子大夫勤于朝卿士暨于邑孔

穎達曰璉謂仰冀之也廣韻九利切集韻几利切

注照

古石
琅玕

呂氏春秋本味篇有佻氏女破空桑而得伊尹其說頗近荒誕禮器碑有顏育空桑語隸釋引呂覽伊尹事爲證譏其不經釋按是碑多用識緯之文後漢書班固傳注引春秋演孔圖云孔子母徵在夢遊於大冢之陂黑帝使請已往夢與語曰女乳必於空桑之中覺則若有所感後生孔子於空桑之中碑云顏育

空桑卽其事也

錢擇小
盧隨筆

按碑稱前闔九頭攷春秋元命包論十紀一曰九頭紀卽碑所本宋均注春秋命歷序九頭九人也路史前紀則云地皇氏逸于有人皇九男相像其身九章注云姓愷名胡洸字文生人面龍身九頭兩說各異宋說當近之碑又云制不空作承天之語亦本春秋緯演孔圖云聖人不空生必有制以顯天心邱爲木鐸制天下法是也碑末題名三行頽川長社以下八人皆有出錢之數當與碑陰所題六十二人兩側所題三十二人合計之竝是助錢

造器者姓名也朱君文藻嘗疑碑側姓名別是一
次斂錢不與禮器同時之事蓋書體既不相類而
褒成侯孔建壽已見碑陰復入碑側其非一時之
事明矣孔子之後爵褒成侯至永元四年徙封褒
亭此碑立於永壽二年距徙封已五六十年而猶
稱褒成殆文字之間不妨偶襲舊號耶御史孔翊
元世或謂後漢書有孔昱傳昱亦字元世古人翊
日多作昱日字本通用疑是一人然昱于靈帝時
徵拜議郎補雒陽令以師喪棄官卒於家而碑於
桓帝時已題御史且洪氏謂翊孔子十九世孫而

是乃孔霸七世孫霸是十三世則昱當是二十世
世次亦不合斷非一人也洪氏云蘇漢明已鐫而
續書故以其人處士識于下然碑左側張建平下
亦識其人處士四字豈亦續書者與碑又以上仁
爲士人與金鄉長侯成碑同遠越爲卓越猶卓爾
作遠邈也

又按議緯之作其來已久隋經籍志云河圖雒書
以紀易代之徵其理幽昧究極神道先王恐其惑
人秘而不傳說者又云孔子既敘六經別立讖緯
以遺來世其書出於前漢有河圖九篇雒書六篇

云自黃帝至周文王所受本文又別有三十篇云
自周初至於孔子九聖之所增演以廣其意又有
七經緯三十六篇並云孔子所作云云攷公羊子
高受經於子夏其傳春秋多舍左傳而從春秋說
文見於何休注者甚衆則其書傳自孔門弟子無
疑其以爲出于漢初及起於西漢哀平之世者皆
非也緯書中間有事涉迂繆及後世之事疑皆妄
人附益而以之參驗六經殊足以資聞見故太史
公撰五帝本紀于世本國語三傳之外兼采及之
孟喜注易七日來復謂卦氣起中孚則用易緯稽

覽圖賈逵注左傳九邱稱孔子作春秋立素王之
法則用春秋緯趙岐注孟子論尚書百二十篇則
用春秋說題辭論命有三名則用孝經援神契許
慎撰說文解字引孔子云推十合一爲土禾入水
爲黍則用元命包引子欲居九夷從風嬉則用論
語摘衰聖而鄭康成禮注詩箋二書取緯書以資
發明者尤不勝舉且鄭于河圖易緯尚書緯尚書
中候禮緯禮記然房並爲之注可見緯與經實相
表裏不爲大儒所棄如此漢時且詔東平王蒼正
五經章句皆命從識朱氏尊尊謂終東漢之世以

通七緯者爲內學通五經者爲外學其見于范史者無論謝承後漢書稱姚浚尤明圖緯秘奧又稱姜肱博通五經兼明星緯載稽之碑謁於有道先生郭泰則云考覽六經探綜圖緯於太傅胡廣則云探孔子之房奧于琅邪王傅蔡朗則云包洞典籍刊摘沉秘於中郎周總則云總六經之要括河雒之機於大鴻臚李休則云旣綜七籍又精羣緯於國三老袁良則云親執經緯彙括在手於太尉楊震則云明河雒緯度窮神知變於山陽太守祝睦則云七典並立又云該洞七典探賾窮神於成

陽令唐扶則云綜緯河雒咀噉七經於酸棗令劉
熊則云敦五經之緯圖兼古業覈其妙七業勃然
而興於高陽令楊著則云窮七道之奧於郟陽令
曹全則云甄極茲緯靡文不綜於蔡長蔡湛則云
少耽七典於從事武梁則云兼通河雒於冀州從
事張表則云該覽羣緯靡不究窮於廣漢屬國都
尉丁魴則云兼究秘緯於廣漢屬國侯李翊則云
通經綜緯至于頌孔子之聖稱其鉤河摘雒蓋當
時之論咸以內學爲重及昭烈卽位羣臣勸進廣
引雒書孝經緯文蕭綺所云識辭煩於漢末不誣

也。和宋唐制四部圖籍甲部爲經其類有十九曰
圖緯以紀六經讖候故唐儒撰羣經正義亦知道
信讖緯而藝文類聚北堂書鈔初學記白孔六帖
諸類書徵引尤夥蓋自漢以來博古之士多喜習
之卽有不能深信者亦未竟斥爲異端自歐陽氏
有論九經請刪除正義中讖緯劄子而魏了翁作
九經正義盡削去之自是厥後學者同聲附和而
緯書遂致散佚僅有存者良可歎惜也夫讖緯中
荒渺不經本所難免且其紀述兼及三代以上帝
王受命發祥制作之事後人目不見上古之書無

從辨其是非輒生訾毀固無足怪然即緯書之文

證之六經亦無大異今試比而論之緯言伏羲氏

有天下龍馬負圖出于河尚書中候黃帝出游雒

水之上見大魚醮之魚流于海始得圖書河圖帝

蒼頡皇帝南巡元扈雒納之水靈龜負書以授之

河圖堯沈璧于河元龜負書止壇舜沈璧于清河

黃龍負圖出水並擬禹長于地理水泉九州得括

地象尚書刑湯觀于雒沈璧而黑龜與之書中候

武王觀于雒沈璧禮畢青龍臨壇銜元甲之圖吐

之而去元龜負圖出雒周公援筆以時文寫之並

河皆與易河出圖雒出書天垂象聖人則之書天

錫禹鴻範九疇之義合天人感應理固有之而云

伏羲德洽上下天應之以鳥獸文章地應之以龜

書乃作易禮含文嘉奎主文章蒼頡效象雒龜曜書丹

青垂萌畫字契撰神又與易論包犧畫卦取象天文

地理人倫鳥獸之語悉悉相符也緯言軒轅氏麟

麟在囿鳳皇來儀堯卽政七年鳳皇止庭巢阿閣

灌樹伯禹拜曰黃帝軒提象鳳皇巢阿閣並中舜

受終鳳皇儀黃龍威離書靈淮聽周公作樂而治莫莢

生中非卽書擊石拊石鳳皇來儀國語鸞鸞鳴于

岐山禮記四靈為畜之事乎緯言禹授啓握元圭

刻日延喜之玉受德天賜之佩尚書非即禹錫

元圭之事乎緯言禹將受位天意大變迅風雷雨

以明將去虞而適夏樂稽非即書烈風雷雨天大

雷電以風之類乎緯言大節出雷澤華胥履之生

伏羲詩含少典妃安登遊于華陽有神龍首感之

於常羊生神農元命附寶出降大電生帝軒孝經

大節如虹下流華渚女節夢意感生朱宣元命

瑤光之星如蜺貫日感女媧於幽房之宮生黑帝

額頊河天大雷電有血流潤大石之中生堯母慶

都有赤龍負圖與慶都意或有娠生堯春秋合握誠圖

登見大虹意感生舜含神修己山行見流星意感

栗然生姒戎文禹尚書帝扶始升高邱觀白虎上

有雲如虎之狀感已生皋陶元命扶都見白氣貫

月感生黑帝湯太任夢長人感已生文王並含卽

詩天命元鳥降而生商履帝武敏歆之類而云堯

母萌之元雲入戶蛟龍守門易坤堯母獲食不飢

常若有神隨之者合誠亦與后稷鳥覆翼之牛羊

腓字之事絕相似也緯言伏羲日角衡連珠援神

黑帝修頸黃帝兌頤並論語倉帝四目儀孔軒轅

駢幹

元命包

帝嚳駢齒

河圖起

堯眉八彩

元命包

舜目四

童

演孔

禹耳三漏皋陶馬喙湯臂三肘

並禮說

伊尹

面赤色而髯

春秋攷異邦

文王四乳武王望羊周公背

僂

並禮說

非即左傳文公駢脅成公黑髻越椒蜂目

豺聲之類乎緯言神農生而能言五日而能行七

朝而齒具三歲而知稼穡般戲之事

元命包

附寶生

軒胷文曰黃帝子

河圖起

蒼帝生而能書

元命包

非即

左傳周靈王生而有髭魯夫人季友生有手文之

事乎緯言燧人四佐伏羲六佐黃帝七輔

增輔

即

論語春秋內外傳舜五人文王四友武王十亂之

類而風后天老五聖知命窺紀地典力墨七輔等
名學者以無經傳可證斥爲僞托則書云朱虎熊
羆父斯伯與詩云皇父仲允番聚厥橋諸臣亦不
見于經傳而從無人議之者又何說也緯言五嶽
吐精生聖人銜命非卽詩惟嶽降神生甫及申之
事乎緯言堯受圖書已有稷名在錄中候堯夢白
虎遺吾馬喙子舉泉陶爲大理元命文王夢田獲
熊而得太公望中候雉赤雀銜丹書入節止昌再
拜稽首至於碯溪之水呂尙釣涯下王下趣拜曰
公望七年乃見光景於斯非卽書高宗夢資良弼

說築傅巖維肖之類乎緯言孔子夜夢芻兒捶麟傷其前左足束薪而覆之孔子發薪下麟視之麟

蒙其耳吐書三卷孔子精而讀之援神契非即孔子

夢奠兩楹之類乎緯言顓頊氏有三子生而亡去

一為疫鬼一為虐鬼一為小鬼非即左傳實沈臺

駘為崇黃熊入于羽淵伯有為厲之類乎緯又言

太子發渡河中流火流為烏其色赤帝命驗中武候合符后

王得兵鈐謀東觀白魚入舟俯取魚以燎堯璣按

赤烏白魚二事即今文秦誓之文具見史記古文

尚書既不足信將因緯書而并疑今文可乎且也

五帝之傳始于三禮而緯書詳五帝靈威仰赤熛怒含樞紐白招拒汁光紀五名與爾雅所載青陽朱明白藏元英諸目何異西王母之名始于爾雅而緯書述西王母於大荒之國得益地圖獻之于

舜帝命正合四荒之義且與空同丹穴太平大蒙

諸國均無經文可證也緯又言天皇九翼河圖括地象

人皇九頭命曆序及穿胸儻耳之國論語撰考議從崑崙

以北九萬里得龍伯國人長三十丈以東得大秦

國人長十丈又以東十萬里得佻人國長三丈五

尺又以東十萬里得中秦國人長一丈河圖蚩尤

兄弟八十一人並獸身人語銅頭鐵額

龍魚北東河國

極有人長九寸

含神

北極下有一脚人

玉核之春

秋三傳僑如勞如兄弟佚宕中國及國語防風氏

骨節專車之說是上古選厥奇怪之事亦聖賢所

樂道而爾雅記蝶鶴叩屨迭食迭望諸異亦皆當

時中國所無何以言之甚悉今比目魚海濱多有

之則其三者皆可確信既信比肩之民則穿胸僭

耳何獨疑之即其所言後世事如祖龍來天寶開

尚書考靈曜

卯金刀名爲劉中國東南出荊州赤

河圖天蓋

演孔

帝後次代周帝劉之秀九名之世帝行德封

刻政

河圖合古篇

廢昌帝立公孫

河圖錄運法

代赤眉者魏

公子

春秋玉版議

鬼在山禾女連言居東西有午兩日

並光日居下

並易說

此等語半出妄人傳會殊為乖

誕然按左傳所引鸛鶴之謠傳自文成之世而已

知禍父宋父兩名即龍尾謠云號公其奔取號之

旂亦必非事後之語而傳載列國占筮爻辭凡數

十百年以後之事無不先有主名鑿鑿可數則禮

所云至誠之道必有前知見乎著龜動手四體者

聖人亦嘗言之以為必無其事豈盡然與凡此之

類皆後人病詆緯書所執為口實者不知其說皆

可與六經互證緯可疑經則斷不可疑也更有取

者緯言舜以太尉受號卽位爲天子

春秋運斗樞

稷爲

司馬

刑德

可廣唐虞司空司徒虞士諸名以考三代

官制緯言禱請山川辭云方今天旱野無生稼

寡人當死百姓何依不敢煩民請命願撫萬民以

身塞無狀

考與鄭

可見古人祭祀皆有祝辭禮記祭

坊中庸論語子路誅孔子卽其證也學者苟能擇

而從之是亦博聞之助安見好古苦晚耶至其論

天文日月五星變動之占及地理生物之殊異道

里之遠近顯者足配鴻範五行精者可以攷正歷

書地志之誤故蔡沈書集傳所稱周天三百六十
五度四分度之一卽考靈曜及雜書增耀度之文
黑道二去黃道北赤道二去黃道南白道二去黃
道西青道二去黃道東卽河圖帝覽嬉之文而朱
子注論語伏羲龍馬負圖注楚詞崑崙者地之中
也地下有八柱互相牽制名山大川孔穴相通並
河圖之文雜書四十五點邵子以來傳爲秘鑰其
法出于太乙九宮實卽易緯乾鑿度之文是有宋
理學大儒亦不能盡棄其學而歐陽氏魏了翁輩
欲皆去之眞所謂因噎而廢食矣漢時碑刻多用

誠緯成文論金石者概議其謬不知緯與經原無
大異經所不盡改當以緯補之若以緯書荒渺則
六經之言其似緯書所云曷可勝紀將盡削之可
乎朱氏說緯一篇至爲精博而據譙敏碑語謂其
學遠出譙氏京氏蓋非探原之論且不推本經義
證明其說恐仍未能息羣喙也昶故復申其辨于
此以祛淺見之惑

金石萃編卷十

賜進士出身 誥授光祿大夫刑部右侍郎加七級王祖讓

漢六

郎中鄭固碑

碑高六尺四寸廣三尺三寸十五行行二十九字額題漢故郎中鄭君之碑八字篆書今在濟寧州學

君諱固字伯堅著君元子也合中和之淑

貞履上仁口口口口孝友著乎閭門至行立

子鄉黨初受業於歐陽遂窮究于典籍膺

游夏之文學襄冉季之政事弱冠仕郡吏

諸曹掾史主簿皆郵五官掾功曹口人則

腹心出則爪牙忠曰衛上清曰自脩犯顏

謇悍造昧危辭加曰好成方類推賢達善

遠遁退讓當曰此服之邦后珍瑋曰為

儲舉先屈計掾奉我曰貢清眇冠乎羣彥

憲能膺子聖心延熹元丰二月十九日詔

拜郎中非與好也曰疾錮辭未滿期限從

其本類乃通凶愍年卅二其四月廿四日

遭命隕身痛如之何先是君大男孟子有

揚烏之中善性形於岐歲口口見於垂

年七歲而友夫君夫人所共哀也故建口

共墳配食斯壇已慰考妣之心
琦璿延昌
爲聖憲不紀則鍾鼎奚銘昔妣
武弟
述其兄綜口口口口行於
衆陋歌寫敢忘
乃刊石已於遺芳其辭曰

於惟郎中寔天生德願親
諒弟叟恭竭力
敦我義方導我禮則傳宜
孔業佗並模式
從政事上忠已自勵
貢計主在華夏歸服
帝用嘉之顯拜殊特將
從雕意色斯自得
乃遺家吳隕命顛沛家
去所怙國止忠直
俯哭誰訴印虎爲告嗟嗟
孟子苗而弗競

奉我元兄脩孝罔極魂而有靈亦歆斯勒

右漢郎中鄭固碑文字磨滅其官闕卒葬年月皆莫

可考云延熹元年二月詔拜而不見其官惟其碑首

題云漢故郎中鄭君之碑以此知其官至郎中爾中

又有途遁退讓之語通常作循鋼當作因疑漢人用字多假借又疑以疾鋼辭謂疾已堅固若云以疾篤辭覽者詳之

集古錄

賈誼過秦論云九國之師遁巡而不敢進顏師古曰

遁音千旬反流俗書本巡字誤作逃讀者因之而為

逃遁之義潘岳西征賦云遁逃以奔竄斯亦誤矣今

此碑有云推賢達善途遁退讓詳其文意亦是途巡

之義然二字決非一音蓋古人用字與後世頗異又多假借故時有難曉處不知顏氏何所據遂音遁爲

逡乎

金石錄

鄭君以曹掾事其郡將而云犯顏蹇諤造滕詭辭漢人用事不拘礙如此秦紀引賈生云九國之師逡巡遁逃而不敢進陳涉世家則刪逡巡二字班史又作遁巡故顏師古讀遁爲逡而詆潘岳用遁逃爲非游俠傳逡逡有退讓君子之風此云逡遁退讓蓋用史記語歐讀遁爲循趙又惑於顏注予謂皆當讀如本

字

碑以愕爲誇以僂爲詭以迴爲固以幙爲模肩卽質字錄卽獨字帛卽曷字助音愴

隸釋

郎中鄭固碑其文有二逡遁退讓者逡巡之異文也
管子桓公蹇然逡遁漢書平當傳贊逡遁有恥叙傳
逡遁致仕周禮司士注王揖之皆逡遁既復位儀禮
士昏禮大射禮公食大夫禮注辟逡遁鄉射禮注少
退少逡遁也聘禮注辟位逡遁又三退三逡遁也又
辟位逡遁又辟於其東面位逡遁也又退爲大夫降
逡遁士喪禮注辟逡遁辟位也特牲饋食禮注辟位
逡遁禮記玉藻注俛逡遁而退著屨也皆同此文顏
之推匡謬正俗曰賈誼過秦論九國之師逡巡而不
敢進遁者蓋取循聲以爲逡字當音七均切然余考

之古書亦多不同如晏子春秋有云晏子巡遁而對
 有云晏子逡循對曰漢書萬章傳章逡循甚懼外戚
 固讓皆以下字爲循而此碑及漢書禮注又以遁爲
 巡又如莊子忠諫不聽躡循勿爭靈樞經黃帝避席
 遵循而却亢倉子荆君北面遵循稽首又逡循之異
 文而王莽傳後儉隆約以矯世俗師古曰後音千旬
 反退也其字從彳則又逡之異文也楚辭九章思美人還遠次而勿
舉今漢書公孫宏傳有功者上無功者下則羣臣逡皆作逡 碑又書妣爲安與堂
 邑令費鳳碑同而玉篇云安必媚切女名此又後人
 之解也 漢人書有遁甲開山圖雲麓漫抄曰世傳

遁甲書甲既不可隱何名爲遁因引此碑證爲循甲
言以六甲循環推數也今按遁字古人以代巡字者
多當是巡甲太元經云巡乘六甲與斗相逢 此碑

上有一大孔漢碑多如此劉熙釋名碑被也此本王
莽時所設也施轆轤以繩被其上以引棺也臣子追
述君父之功美以書其上後人因焉故建於道陌之
頭顯見之處名其文就謂之碑也此後漢時人所見
云爾不知周時固有碑矣檀弓公室視豐碑注云豐
碑斲大木爲之形如石碑於椁前後四角樹之穿中
於間爲鹿盧下棺以綽繞

正義曰綽卽繞也豐去碑中之木令空於空間著鹿

盧鹿盧兩頭各入碑木以紼之一頭繫棺緘以一頭
繞鹿盧既訖而入各背碑負紼末頭以漸得
行而喪大記君葬用輜四紼二碑大夫葬用二紼二
碑又曰凡封用紼去碑負引注云樹碑於壙之前後
以紼繞碑間之鹿盧輓棺而下之此時棺下窆使輓
者皆繫紼而繞要負引舒縱之備失脫也用紼去碑
者謂縱下之時也此劉熙所指葬時施鹿盧下棺之
碑也聘禮賓自碑內聽命又曰東面北上上當碑南
注云官必有碑所以識日景引陰陽也凡碑引物者
宗廟則麗牲焉以取毛血其材官廟以石窆用木祭
義君牽牲既入廟門麗於碑注云麗繫也謂牲入廟

繫著中庭碑也雜記宰夫北面於碑南東上此注家所指在官廟之中一爲齎掛之碑一爲麗牲之碑者也碑之字本從石窆用木者取其便於事也其見於西漢人之書者淮南子盧敖見若士遞逃乎碑注曰匿于碑陰是也孫何碑解曰何始寓家於潁嘗適野見荀陳古碑數四皆穴其上若貫索之爲者問故起居郎張公觀公曰此無足異也蓋漢去聖未遠猶有古豐碑之象耳後之碑則不然矣予見漢碑皆高不過今之三尺餘可用以麗牲以木爲之可用以引棺今既失其穿中之制而碑之高大乃無限度與古人

之碑名同而體異也

金石文字記

碑文有逡遁字顧寧人謂是逡巡之異文以予考之

集韻逡遁後三字牽連書之均七倫切音義則一說

文釋走字云乍行乍止也遁字雖音徒困切而配之

以走當讀如足縮、如有循之循以為假借則可不

得謂之異文矣寧人作音論惜集韻不存未知是書

尚存天地間故于諸書疑義未盡晰爾

曝書亭集

碑云大男孟子有楊烏風七歲而夭配食斯壇益祔

葬者亦金石文字中一例也

鮑琦亭集

金石文字記云此碑書妣作安與費鳳碑同今此碑

妣字尚存并不作安或亭林誤記他碑之字也劉太
 乙續金石錄云弱冠仕郡諮曹掾史歐本作諸今本
 諸字雖少漶漫然筆畫具在亦不作諮楊升菴云子
 雲本姓揚從手不從木碑云有揚烏之才謂童烏也
 字正從手升菴之言信為有徵劉跋概書作楊誤矣
 又碑云頤親愛弟頤字作頤變臣為正此與前姬字
 作姪同皆隸變也劉作頤親亦非

金石存

右郎中鄭固碑亡其半僅存上節雍正六年有李鵬
 者於泮池左發地得一殘石刻高六寸闊一尺六寸
 存二十二字蓋鄭碑之下節云因移置碑旁顧不知

其斷刻沈埋者何代也

金石

昔姬下洪空二格以今諦審石本姬下是公字公下當是頌字此寶石痕可髣髴非以文義度也 是碑自歐陽集古錄已目爲零落之餘而云其間有逡遁退讓之語今則逡遁字已不可見而以今日拓本次弟所收先後出土者核之洪氏所錄則所闕亦不甚多乃牛真谷以爲碑亡其半顧南原以爲碑已中斷皆失其實矣顧又云家有拓本尚完而所摹諸字乃皆訛誤則是所謂有完本者亦未可信也 清眇眇字卽今妙字方言眇小也此當爲妙之正字凡書妙

字者當以是碑爲據 張埴曰曰疾錮辭曰疾句法
作讀 錮辭之錮當作固其弟撰碑避其兄之諱也

兩漢金
石記

郎中鄭固碑詳其文義乃弟述其兄而作喪服傳不
滿八歲以下爲無服之殤鄭君長男孟子七歲而夭
乃建墳與固配食此禮之過而失其中者論語色斯
舉矣斯乃語辭而漢魏人多用色斯字如王充論衡
翔而後集色斯而舉費鳳碑色斯輕翔費鳳別碑色
斯高舉元賓碑翻翬色斯抱朴子外篇明哲色斯而
幽遜內篇杜漸防微色斯而逝皆以斯連上讀若張

壽碑常懷色斯斥彭長田君碑色斯去官抱朴子外
篇或色斯而不終日三國志崔琰傳哲人君子俄有
色斯之志此碑亦云將從雅意色斯自得則竟以色
斯當遠之意所謂歇後語也春秋晉侯詭諸卒陸德
明云左氏傳作倓諸今本左氏亦作詭惟石經猶是
倓字此碑造膝倓辭爲詭則古書倓詭通用矣

石文
跋尾

楷研
堂金

鄉來拓本惟存上段自雍正六年州人李鵠得下段
殘石於泮池其子東琪又於乾隆四十三年同藍別
駕嘉瑄將此碑升高出土之上重立復出中段較洪

氏隸釋所缺無幾碑云造厓侷辭案玉篇侷戾也九
委切此與上文犯顏謬之意正合又建口共墳建
字下洪釋闕今驗拓本確是防字案爾疋釋地墳大
防李巡云墳謂厓岸狀如墳墓名大防也孫炎云謂
隄也墳之有防所以護衛兆域者此因孟子耐葬故
云建防共墳其義自明又昔姬公口武弟述其兄姬
卽姬字乃謂周公頌述武王於此見撰碑者爲鄭君
之弟矣銘云頤親誨弟虔恭竭力教我義方導我禮
則又云奉我元兄修孝罔極皆其明證又文內琦瑋
延以爲至德不記云云琦瑋當是鄭君二子之名蓋

其弟從兄子之請而撰此銘也

山左金石志

碑多損磨其文云男孟子楊烏之才又銘詞嗟嗟孟子苗而弗毓案下又有元兄修孝罔極之文庶長曰孟此卽鄭君庶子之早夭者法言問神篇育而不苗者吾家之童烏乎九齡而與我元文碑蓋襲用此語當時法言大行人傳爲學以覘于文如此

隸釋夏堪碑

亦用法言學行篇喻

漢書揚雄傳其先出自有周伯

僑者以支庶食采于晉之揚因氏焉左傳揚從木今碑楊烏亦從木漢之稱雄氏族者楊與揚兩用之其

見于此碑可考也

授堂金石跋

碑云先是君大男孟子有楊烏之才七歲而天法言

問神篇育而不苗者吾家之童烏乎九齡而與我元

文注云童烏子雲之子也九齡而與楊子論元碑稱

楊烏即子雲之童烏楊字從木楊修稱吾家子雲今

考沛相楊統碑高陽令楊著碑太尉楊震碑皆修之

先人其字亦從木也文士傳桓焉坐有客為詩曰甘

羅十二楊烏九齡與碑稱楊烏同太平御覽三百八十五卷

引劉向別傳疑是揚雄別傳揚信字子烏雄第二子幼而聰

慧雄笑元經不會子烏令作九數而得之又疑易辨

辛觸落彌日不就子烏曰大人何不云荷戟入榛讀

此始知烏是其字而法言亦稱烏父字其子猶曹孟
德稱子建又孫權母謂權曰公瑾與伯符同年小一
月耳我視之如子也汝其兄事之魏畧單固字恭夏
繫廷尉見其母不仰視其母字謂之曰恭夏隋書房
陵王勇字暎地伐皇后忿然曰暎地伐漸不可耐是
母亦字其子也桓譚新論揚子雲爲郎居長安素貧
比歲亡其兩男哀痛之皆持歸葬於蜀以此困乏雄
察達聖道明於死生宜不下季札然而慕怨死子不
能以義割恩自令多費而致困貧也

桂馥
跋

按碑云以疾錮辭錮卽固字謂久固之疾也禮月

令國多固疾

文選求通親親表崇國明時注云銅與固通

漢書賈誼傳

必為銅疾字又作痼後漢書光武紀痼疾皆愈又

周章傳羣臣以勝疾非痼皆固疾之証歐陽說得

之張舍人墳謂此句當以以疾為讀非是碑又云

作世模式隸釋作模式注云碑以模為模昶攷古

字從無以模模通用者今審石本模字左旁作木

顯然从木洪氏見其結體與巾相類故誤為幙也

蒼頡廟碑

碑高六尺一寸廣六尺

二十四行字數不可紀

口流 劉君諱 下以省口流 德教於千里

口禮樂之關下逢義立關二親乃諏訪國

老關下彌久莫之口室於是乎二作教告關下

誓寫彼鳥迹以紀時關五蒼頡天生

德於大聖四目靈光為百王作書以傳萬

嗣陶關下法度非書不明古今行事非品口

無以垂示三綱六紀關下地理印賢縣為俯

名山川五常之類含氣庶品非書不記關下

靈關三大表千秋關四未生者皆關二服

其教口為德也莫關下陰陽並兼然關四

字乾行無已順環無關下三百選有

德聖裔以口之柔稷稻梁潔齊一
口良辰

薦家祀告關三復民五家須口口禱祈雨降

子關六盜賊關文關下穎川關訓古今

下關上歌之義疑關字乃位頌曰穆

穆聖蒼關下老名永久彌光無德不報關二

百行順禮關下馨休嘉孔融

對府君大漢枝族應期位弼宗關下禮崇樂

以化未造勸詣鐸塵關下口囊口令問節高

口配聖德合符出下關行又

碑陰

共二列每列二十四行首二行全闕

上闕 陳下闕

上闕 陳下闕 千

故督盜賊人卅走中千

故記史池陽吉闕二二百

五官掾高陵闕二千

秦轉掾池陽吉口千

上闕 掾雲陽闕二千此下闕

上闕 千五百

上闕 千此下闕

關上
千

口 曹史 蓮 勺 關二千

關上 池 陽 關二千

口 倉 曹 史 臨 晉 楊 仲 千

關上 雲 陽 關二千

口 曹 史 關下

議 曹 關下

少 府 史 關下

教 化 史 關下

持 事 瑑 關下

高陵守

闕下

持事掾

高

闕下

故

字闕二

亭

長

闕下

上闕

掾

亭

闕下

上闕

池

陽

吉

又下闕

闕三行

此下

上闕

勺

又下闕

闕一行

此行

下

上闕

掾

萬

又下闕

闕二行

此行

上闕

曹

闕下

上闕

掾

曹

又下闕

闕三行

此行

碑右側

共四列每列六行
未列首行全闕

郡令朔方臨戎孫羨約關六字從事永壽二

年朔方太守上郡仇君察孝除郎中

大原陽曲長延熹四年九月上詔書遷

郡令五年正月到官奉見劉明府立

祠刊石表章大聖之遺靈以示未世之未

生謹出錢千百口者下行自紀姓名

郡守丞臨晉張疇字元德五百 守左尉

萬年長沙瑗字君平五百

郡縣三老上官鳳季方三百

御鄉三老時勤伯秋三百

御主記據楊綬子長三百

御門下功曹裴篤伯安三百

御門下游激許愔功上三百

御門下賊曹白余子口三百

功曹史上官才口章三百

錄事史楊禽孟布三百

集曹據馬津子孝三百

倉曹據任就子翔二百

故功曹郭字關三三百

素書 闕三百

軍假司馬 鄧 闕下

從掾位 鄧 闕下

從掾位 鄧張 闕下

故文學掾 鄧李 闕下

故文學 篆 闕下

碑左側

共三二列 第一列六行
第二二五行 第三四行

議曹史 蓮 楊士 三千

功曹書佐 頻 陽 成 扶 千

騎吏蓮勺任鼎六百

騎吏高陵口肆六百

騎吏臨晉口珠六百

口吏高陵張順六百

高陵左鄉有

關下

萬丰左鄉有秩游智千

關下

萬丰北鄉有秩畢奮千五百

蓮勺左鄉有秩杜衡千五百

沁陽左鄉有秩何博千五百

夏陽侯長

關下

夏陽侯長馬琪千

栗邑侯長何暉千

父羽侯長

下關

碑額題字

字在碑額穿右五行行十字穿
左有宋人題字五行正書左讀

左馮翊東牟平陵衡君諱口字口升以熹

平六年五月廿八日於口口口口口口

口祠出奉餼二百口口口口之禮

嘉祐庚子五月

蒼頡祠下

喬岳同過

汲郡呂大忠華陰

萬年朱吉打碑記

右漢碑陰題名二有議曹功曹騎吏有蓮勺左鄉有秩池陽左鄉有秩池陽集丞有秩皆不知是何名號又有夏陽侯長祿祿侯長則是縣吏之名

集古錄

按前漢書張敞以鄉有秩補太守卒史後漢書百官志鄉置有秩三老游徼本注曰有秩郡所署秩百石掌一鄉人注引漢官曰鄉官五千則置有秩風俗通曰秩則田間大夫言其官裁有秩爾然則有秩蓋亦

鄉吏名也

金石錄

右漢蒼頡廟碑並陰碑兩側共四紙蒼頡廟蓋在鄉縣此碑頌乃鄉令孫羨奉劉明府之令為之而碑陰兩側則備記孫仝出仕始末及其掾屬所出錢數也此碑自歐趙而外他家皆所未見 集古錄有朔方太守碑陰及碑陰題名二跋即此碑兩側題字也歐陽公未得前碑故其稱名不無錯誤金石錄有蒼頡廟碑又有蒼頡廟人名所謂人名亦即此碑兩側然又未嘗云有碑陰不知當宋時何以二公所得不全如此 金石錄云考其歲月蓋熹平六年立今碑于

年月字已無可見予但以兩側有延熹五年字遂列
之爲桓帝時刻

金石存

按羅泌路史載是碑有云穆穆聖蒼又稱是碑以熹
平六年立今碑刻并無此文字則是碑在羅泌時猶

有可觀者

金石

碑側書出錢者姓名有守左尉萬年長沙瑗字君平

萬年縣也長沙乃覆姓此稀姓亦所僅見

抱經堂文集

是碑御縣令孫羨奉教於劉明府而立此石劉蓋治

左馮翊也後漢書地理志左馮翊有衙縣注皇覽曰

有蒼頡冢在利陽亭南墳高六丈是也碑文首以劉

君諱口又云劉府君大漢枝族漢碑之體多以祀典

推重其使君也 碑以未為未凡二處 碑正面十八行未造是未

造又左側尚眉未生是未生 又以偏旁王為玉亦凡二處其碑側

內任下一字吳作鮐歐作就似以就為是 兩漢金石記

右蒼頡廟碑在白水縣東北五十里之史官村其地

於漢為衙縣春秋秦晉戰於彭衙即此地續漢志左

馮翊有衙縣注引皇覽云有蒼頡冢在利陽亭墳高

六丈後人因建廟於此縣以彭衙得名兩漢志皆作

衙字而碑作御猶曲江之為曲紅西城之為西成也

碑文雖漫漶諦視之尚有可識者惜洪丞相隸釋未

著於錄不得其全文故不能通耳碑上穿之左有宋人題名四行呂大忠大防之兄嘗爲陝西轉運副使者也 右碑陰文更漫滅其兩側面各有字尚可讀其一云朔方臨戎孫羨云云歐陽集古錄題爲朔方太守碑陰者蓋卽此然碑所述者御令孫羨筮仕本末朔方太守仇君則孫令之舉將與立祠無異乃以朔方標題誤矣其一歐公亦有跋而不知其爲何碑之陰蓋碑本四面有字歐公僅得其兩側又誤分爲一二趙德甫金石錄有蒼頡廟碑卽碑之正面又有蒼頡廟人名卽碑側之一面其又一面與碑陰則趙亦

未見洪文惠則全未之見

潛研堂金石文跋尾

趙明誠以爲熹平中立余案碑側已有永壽年號則

非熹平可知

關中金石記

按碑在白水縣之史官村昶在西安聞其橫臥土中慮其日久斷毀因囑署縣顧令以牛車輦置學宮久而未報適令復至問以故則云碑在野田時屢奉上檄摩拓爲苦若移至儒學恐索者益衆不能悉應所求因言縣官及鄉民皆以古碑爲累蓋僻縣無善揚者必於省城延仿能手厚其工值下鄉又需差役同往官雖給以日用而人數旣多勢

必佔住民居騷擾百姓于蔬果則強取之雞豚則
抑價以買之且碑爲風沙所積須加洗拭方可惟
拓拓時須避風雨必俟天晴竟有遲三四日始得
一紙者上官誅求未已而地方重受其困故鄉民
見有古碑輒相搭擊而官吏諉爲不知也昔顧氏
炎武謂君子毋浮慕古以厲民豈深有見於此乎
今是碑剝泐僅存二百三十餘字碑陰亦大半漫
漶惟兩側題名差完善石之存否已不可知附書
于此後有長官思博好古之名而弗恤民力者其
以斯言爲鑑可矣

桐柏淮源廟碑

碑文從裴本摹錄後刻吳炳記行書高廣尺寸行字數俱無可紀今在濟源縣

前翰林待制吳炳重書

男嗣昌填摹

延熹六年正月八日乙酉南陽太守中山

盧奴口君靈正好禮尊神敬祀以淮出平

氏始於大復潛行地中見于陽口立廟桐

柏春秋宗奉灾異告翹水旱請求位比諸

兵聖漢所尊受珪上帝大常定甲郡守奉

祀齊絜沈祭送郭君以來廿餘年不復身

至遣行丞事簡略不敬明神弗歆灾害以

生五嶽四瀆與天合德仲尼慎祭常若神
在君准則大聖親之桐柏奉見廟祠崎嶇
逼狹開拓神門立闕四達增廣壇場飭治
華蓋高大殿宇口齊傳館石默表道靈龜
十四齋廷廟壽啟官廟嵩峻極慎慶祀一丰
再至躬進三桂執五以沈為民祈福靈祇
報祐天地清和嘉祥昭格禽獸碩茂草木
芬芳黎庶賴祉民用佗頌其辭曰
泫泫淮源聖禹所導湯湯其逝惟海是造
疏穢濟遠柔順其道弱而能強仁而能武

□□晝夜明哲所取寔爲四瀆與河合矩
烈烈明府好古之則受恭禮祀不術其德
惟前廢弛匪躬匪力灾眚以興陰陽以忒
陟彼高岡臻茲廟側肅肅其敬靈祇降福
雍雍其和民用悅服穰穰其慶丰穀豐殖
望君輿駕扶老攜息慕君塵軌戎走忘食
懷君惠賜思君罔極于骨樂于傳于萬億
春侍祠官屬五官掾章陵劉訢功曹史安
衆對環主簿蔡陽樂茂戶曹史宛任彛
秋五官掾新關梁懿功曹史鄭周謙毛薄

安衆鄧嶷王記史宛趙旻戶曹史宛謝綜

淮源廟爲國家崇奉尚矣漢延熹六年南陽太守躬奉廟祀爲民祈福民用胥悅刻石頌德其辭通雅韓公作海南廟碑文疑取於此隸書之妙與劉熊碑如一手書風雨剝食其僅存者漫不可讀昔人嘗正書是文勒石廟側間有誤謬識者病之未有奮然以新之者至正四年杜君昭字德明京師人以文學才敏同知唐州旣修祠廟因以重刻舊碑謀諸僚佐動合事宜上下協應以浚儀吳炳嘗習漢隸請重書舊文於石乃叅以隸釋更定其誤嗚呼漢碑之見於歐陽

氏集古錄趙明誠金石錄者所存寡矣洪氏蓬萊閣
本世不多見其僨於荒烟野草之間者蓋不數見相
和廟碑漢刻中之烜赫者也其壞而復完豈獨以文
字之妙可用垂不朽與抑淮源神靈陰有以相之與
然則頌之所謂天地清和嘉祥昭格靈祉之報祐

聖世崇奉明祀者宜無窮期也夫金石刻辭古人所
以傳遠託得其所必久而後壞雖壞矣得人焉亦且
復完既爲重書乃記以告後觀者知是碑再刻由杜
君始亦將隨所遇而用其力焉則缺文斷碣之僅存
者庶幾有望於後之人矣至正四年三月前翰林待

制吳炳記

安仁大師何德洪刻

右桐柏淮源廟碑今在唐州載延熹六年南陽守躬
祠淮廟事水經云廟前有碑是郭苞立又二碑延熹
中守令所造此則其一也碑云奉祀禱絜字書無禱
字以文意推之當爲齋戒之齋此碑又有一正書者
如華蓋誤作萃豐晝夜誤作立式凡十數字婁壽亦
有正書一碑州鄰誤作鄰里愛懷誤作盛德其難辨
如朱爵及處謚字則以爲闕文予之費目力於此書
良不少也

祐卽拓字華卽華字祿卽祿字亦卽奔字

桐柏廟碑無額有穿文十三行行三十三字末有兩

行題侍祠官屬以春秋二字題於兩行之上春四人

秋五人中無空字

積

洪氏隸釋載此碑缺五字今拓本字畫完好而乏淳古之氣蓋唐人重刻者據朱長文碑帖考云是釋曠書釋曠開元時僧金石錄中有北嶽恒山碑亦其所書也

潘未金石文
字記補遺

右漢桐柏廟碑水經淮水出南陽平氏縣胎簪山東北過桐柏山鄜道元謂山南有淮源廟廟前有碑是南陽郭苞立又二碑並是漢延熹中守令所造斯蓋其一矣考歐陽氏集古錄所載碑文中山盧奴君奴

下闕一字斯碑云盧奴張君特未詳其名爾其曰春
秋宗祭碑作宗奉災異告變作告愬而靈祇下碑闕
報祐二字中云從郭君以來廿餘年不復身至集古
錄闕其文郭君殆卽苞也獨怪歐陽氏謂其文字斷
續而是碑甚完好疑爲後人重摹然流傳于世罕矣

曝書
亭集

天下碑錄云在唐州卽今南陽府唐縣桐柏山在其
境字原云或云在隨州棗陽桐柏鎮按一統志桐柏
山南接隨州西接棗陽唐縣隨州皆有淮濱廟或隨
州別有一碑非卽唐縣之碑也集古錄目云在鄧州

恐誤

辨錄

右淮源桐柏廟碑漢刻久亡元至正四年吳炳重書
炳子嗣昌填摹上石炳分隸頗有法度而少漢人淳
古之氣碑末記亦炳所述行書殊適美中州罕拓碑
手故流傳者寡而碑估之黠者往往割去炳重書字
及碑後記裝界成冊收藏家未見全文遂以爲真漢
刻矣朱錫鬯疑爲後人重摹而不得其主名潘次耕
又疑爲唐人釋曠書蓋兩公所見者皆裝界之本耳
但錫鬯謂碑闕靈祐二字此本却未闕又謂碑云盧
奴張君今盧奴下闕一字非張字豈錫鬯所見者又

別一本耶

潛研堂金石文跋尾

碑後有記畧云漢延熹六年南陽太守刻石頌德風雨剝食其僅存者漫不可讀昔人嘗正書是文勒石廟側間有謬誤識者病之是漢碑尚存但多漫滅後人又有正書碑炳又摹漢隸而書此碑也炳云有謬誤之碑卽隸釋所云此碑又有一正書者今亦不存子聞漢碑仆地卽在吳炳碑之旁尚有數字可辨屢飭守令打本搜訪不得恐又爲近時修廟取作柱礎矣光州孫叔敖碑顧炎武亦見拓本今求之云湮沒甚可惜也吳炳見書史會要云字彥輝沐人身安歛

歐朝廷三聘不起工篆書予記憶其所書尚有河南
行省增修堂廡碑記今求之不得云洪适又謂此碑
奉祀禘絜字書無禘字案說文有齋字云纒也蓋齋
衰本字借音爲齋絜耳

中州金石記

金石萃編卷十終